



虎鈴經卷第十一

天時統論第一百十四 出軍日第一百十五

四戰圖第一百十六 孤虎第一百十七

九勝第一百十八 地兵第一百十九

黃幡豹尾第一百二十 遊門第一百二十一

八卦第一百二十二 五姓第一百二十三

天罡第一百二十四 雷公第一百二十五

十二將第一百二十六 三九第一百二十七

天時統論第一百十四

天時者兵家之主也若夫星辰變見雲氣聚散六壬

旺相遁甲休咎風露雷雨之所動作陰陽晦明之所
啓閉輦鼓之震響禽鳥之示情通天地鬼神之心開
勝敗休咎之兆者其道何也臣切謂天地之道大正
也夫陽爲實陰爲虛實有常而虛不常也法具實者
政令之謂也政令一定之象也法具虛者權智之謂
也權智應變之象也動以虛實爲用者天地之正一作身
道也是以知政令權智之所設能應於天地者此之
謂大順也或天地示其災變我以順應之示其吉祥
亦以順應之是以順應正也如能以順應正行師豈
有敗乎然雖黑一作雲氣出壘赤氣臨軍六窮起風三形

生霧皆爲敗象當其時苟能觀其凶變脩政謹身卜
地遷營應天揆日恭受譴戒一作怒而警者焉此可以易
凶爲吉矣斯乃以順道應天者也臣今所列時日雲
氣曆象之間其占候既不一在乎用兵者因其時擇
而用之也若能善服人心以順天地之情和陰陽之
性使災咎不見率由政令權智之得其道也又何暇
審占天時以爲候哉

出軍日第二百十五

月殺月虛日利命將出征又曰十二月中各有出軍
吉凶日正月戊辰丙子庚午辛卯戊子壬辰丙辰丙

申二月丁卯辛卯此是九醜日它月皆不犯三月甲
子乙丑戊辰巳巳丙辰庚申四月丁卯巳卯辛卯癸
卯丑五月丙申戊辰庚戌庚申壬戌六月辛未巳未
癸未庚寅丙申辛卯壬寅庚申七月乙丑乙酉巳酉
丁巳癸丑八月庚午癸酉壬午丙午戊午九月癸酉
乙酉丙申丁酉壬寅巳酉甲寅十月巳酉甲寅巳上
用皆吉十一月十二月九醜八魁無翹大禍反激天
賊天門西不出六絕血忌大敗諸日今悉刪而去之
不在此十二月吉日中唯犯九醜大凶一說云天
乙絕氣日不可出軍攻戰正月六月二月七月三月

八月以次周十二月一說云六窮日不可出軍初九
十九二十八一說云天日門亦謂之往亡不可出軍
正月初七日二月十四日三月二十一日四月八日
五月十六日六月二十四日七月九日八月十八日
九月二十七日十月十四日十一月二十一日十二
月三十日若有急難擇時吉辰而動不用此日可也
四戰圖第一百十六

鼓

右軍先攻

牙旗

將軍

東
西向
亦同

將軍

牙旗

左軍先攻

鼓

孤虛第一百十七

一人已上用時孤虛萬人已上用日一作月孤虛日內如
或賊不在虛上我已得其便地即用旬孤虛若復逼
迫不得用孤虛之位背建向破假令卯為建則酉為
破是也用日孤虛子日亥孤已虛丑日子孤午虛寅
日丑孤未虛卯日寅孤申虛辰日卯孤酉虛巳日辰
孤戌虛午日巳孤亥虛未日午孤子虛申日未孤丑
虛酉日申孤寅虛戌日酉孤卯虛亥日戌孤辰虛用
時孤虛以時為主方位並同旬孤虛甲子背戌亥擊
辰巳甲戌背申酉擊寅卯甲申背午未擊子丑甲午

背辰巳擊戌亥甲辰背寅卯擊申酉甲寅背子丑擊
午未背者為孤擊者為虛也用孤虛之時須觀年月
所建一作見兵刃如山何可為敗如或賊在虛久戰而不
敗者切不可引退但併力擊之必勝矣故兵法曰背
孤擊虛一女子當五丈夫此之謂也

九勝法第一百十八

黃帝曰行兵要背天目向地耳甲子旬天目在庚午
地耳在戌辰甲戌旬天目在庚辰地耳在戌寅甲申
旬天目在庚寅地耳在戌子甲午旬天目在庚子地
耳在戌戌甲辰旬天目在庚戌地耳在戌申甲寅旬

天目在庚申地耳在戌午

地兵灋第一百十九

愚謂地兵者六丙耳丙為天氣故不可觸也

太公曰凡行兵向陣勿可犯地兵將軍忌之甲子旬
地兵在寅甲戌旬地兵在子甲申旬地兵在戌甲午
旬地兵在申甲辰旬地兵在午甲寅旬地兵在辰

黃幡虎尾第一百二十

凡戰背虎尾向黃幡吉午戌歲黃幡在戌虎尾在辰
子辰歲黃幡在辰虎尾在戌卯未歲黃幡在未虎尾
在丑酉丑歲黃幡在丑虎尾在未也

遊門第一百二十一

出兵攻敵常須遊門正月天門在申百死在酉二月
天門在酉百死在戌三月天門在戌百死在亥四月
天門在亥百死在子五月天門在子百死在丑六月
天門在丑百死在寅七月天門在寅百死在卯八月
天門在卯百死在辰九月天門在辰百死在巳十月
天門在巳百死在午十一月天門在午百死在未十
二月天門在未百死在申

太公八卦第一百二十二

一日從艮擊坤二日從震擊兌三日從巽擊乾四日
從離擊坎五日從坤擊艮六日從兌擊震七日從乾

擊巽八日從坎

擊離一日十一二十一日同前

例擊之每到十日二十三十日並軍忌不可用之

五姓第一百二十三

角德在巳陽子陰午生氣卯死酉刑禍申羽德在申
陽子陰午生氣子死午刑禍丑徵德在未陽午陰子
生氣午死子刑禍未商德在亥陽子陰午生氣酉死
卯刑禍午宮德在巳陽子陰午生氣子死午刑禍亥
以生氣擊死氣以陰擊陽

天罡第一百二十四

舊說曰天罡加孟神在內加仲神在門加季神在外

凡有所用以天罡加地戶可以入山林設伏兵以天
罡加天門可以攻敵以天罡加酉隨便伏匿可以探
敵事他人不覺知以天罡加子天地所通吉候也天
罡加丑天地不一作小通以為吉事不可以私忿興兵征
伐遠行三十里止合吉一作凶天罡加寅天地慶悅舉小
事吉天罡加卯天地開格不可舉衆天罡加辰天地
初呼不可侵人關界守巳地則敵人不能攻之天罡
加巳天地神祐無憂患但進兵入敵境逢敵則止營
勿與即戰天罡加午天地初起而縱橫之時凶天罡
加未天地小通宜小心行賞賜撫將校慎兵馬如是

吉反是凶天罡加申天地不遠揚兵堅壁設備吉天
罡加酉天地關無路若出兵中道奔亡遇敵即敗大
凶宜守營自備天罡加戌天地返逆更士謀殺主將
主將備之天罡加亥天地迫無踣行者止占戰鬪天
罡加孟孟謂寅申巳亥是也利力戰加仲仲謂子午卯酉是也主客傷加
季季謂辰戌丑未是也利客勿迎戰從去之占卒聞敵出軍加
孟不出加仲半出加季全出占卒聞敵罷軍加孟不
罷加仲及季俱罷占聞憂加孟不足憂加仲小憂加
季大憂

雷公第一百二十五

雷公者六庚耳庚為天刑故不犯又庚乃百神聚之方

攝殺六律曰雷公將軍在午遊庚領十二月將及風
伯雨師其所在之處群居嚮應而到若出軍布陣立
營則雷之所處慎不可犯之主敗軍殺將也甲子旬
六庚在午甲戌旬六庚在辰甲申旬六庚在寅甲午
旬六庚在子甲辰旬六庚在戌甲寅旬六庚在申

十二將第一百二十六

用起天一以將兵大捷一作樓闢地千里敵畏服用起六
合以將兵主得子女王帛用起青龍以將兵大勝得
敵之邦國府庫用起大陰以將兵士卒怯怖用起天
后以將兵不戰自敗用起大常以將兵無功用起騰

蛇以將兵士卒驚駭上下相尅多傷用起朱雀以將
兵士卒驚恐或妄作口舌用起勾陳以將兵士卒敗
車馬折傷用起玄武以將兵軍多亡遁戰不利用起
白虎以將兵師敗無救援用起天空以將兵士卒死
亡為敵所欺詐說曰天一者人皇之靈也上潛精而
為星在紫微宮下游十二次則居巳丑主慶賀事治
大吉小吉臨甲乙寅卯假今天一治大吉小吉而臨
甲乙寅卯是也餘皆例此凶神將騰蛇者飄風之精
也居大陽之丁巳雷公六律曰天一奉車都尉凶神
也一作而大小殺並主憂驚朱雀者一作星月之精也居大陰

之丙午雷公六律曰天一羽林下為霹靂凶將也主刑戮口舌六合者大陰之精也居少陽之乙卯吉將也雷公六律曰天一光祿大夫主和合吉事勾陳者雷電之精也居大陽戊辰雷公六律曰天一大將軍也凶將也主戰鬪多傷敗青龍者大陽之精也居少陽之甲寅雷公六律曰天一左丞相吉將也主喜慶事天后者水之精也居大陽之癸亥雷公六律曰天一絲女也吉將也主弊匿事大陰者金之精也居少陽之辛酉雷公六律曰天一御史中丞吉將也主陰私事也玄武者北方七星之精也居少陰之壬子雷

公六律曰天一之後將也凶將也主逃亡離別盜賊若與風伯雨師二神并必有盜賊大常者土之精也居少陰之己未雷公六律曰天一大常卿吉將也主財帛白虎者西方七星之精也居少陰之庚申雷公六律曰天一逆尉也凶將也主囚禁骸骨天空者斗魁之精也居少陰之戊戌雷公六律曰天一吏師一作置凶將也主欺詐事

三九第一百二十七

一九命榮衰安然成壞一作敗友親二九業榮衰安一作敗友親三九貽榮衰安然成敗一作敗友親大將軍將有事即

預揆已所生之日以月將推之為命宿一室二奎三

六鬼七張八角九亢第一命宿次榮衰安怨成壞友

親之類一九之法次以業宿為准前三九周二十七

宿而推之假令大將生於五月五日胃宿為第一命

怨六井為成七鬼為壞八柳為友九星為親次為一

九之法十張為業宿後起之為首餘皆以類推之然

於三九他設或值命業宿直日宜舉號命作數習士

馬建立營寨吉營宿值吉日攻之取戰吉衰宿值日

所作凶安宿直日移兵遷寨吉餘凶怨宿直日惟利

結交於諸侯及延納賓客餘凶成宿直日設權詐及

攘厭吉壞宿直日宜大舉師旅討伐叛逆及鎮厭呪

咀皆吉友宿及親宿直日備藥餌治軍病犒勞宴賞

此三九之用也苟欲求其直日之法即以二十八宿

本直之目配於大將軍命業胎宿之次以定吉凶之

後以七元甲子起之第一虛宿直大陽受日房星昂

陽受日也是謂天元甲子第二奎宿直木星受日斗

皆倣此是謂地元甲子第三畢宿直大陽受日危心張

井所是謂人元甲子第四鬼宿直金星受日牛元婁

是謂鬼元甲子第五翼宿直火星受日所直同是謂江元

甲子第六氏宿直土星受日女宿昂胃是謂河元甲

子第七箕宿直水星受日軫參畢壁是謂海元甲子

所直同

以二十八宿所直之內足以見九宿之日假今三月
一日爲五元甲子即翼宿直火星受日二日乙丑軫
宿直水星受日三日丙寅即角宿直木星受日以類
次之凡七元起於天元終於海元周而復始苟欲知
其七元甲子之資次當以長曆推之凡見所直之宿
可以配於三九也行師者能以三九用日五行用時
孤虛用地雲氣星辰用天沉機用人未有不建按世
之功者也

虎鈴經卷第十一終

虎鈴經卷第十二

六壬傳課第一百二十八

遁甲遊都第一百二十九

五行勝負第一百三十

戰位第一百三十一 八宮第一百三十二

六壬傳課第一百二十八

凡用六壬若占利害之時先以月將加正時假令正
月占以正月合神登明為月將卯時占以登明加卯
他皆例此若占今日今時而行四課之法何謂四課假令今
甲子先視申上所見神為第一課號曰日之陽次視

神本位上所見之神為第二課號曰日之陰次視子
上所見之神為第三課號曰辰之陽次視此神本位
上所見之神為第四課號曰辰之陰此謂四課四課
即畢見有相克取以發課故金匱經曰用兵當知刑
克之忌猶克也凡四課之內上克下者正月甲子日寅
時用勝光是也又有下克上者二月丁巳日午時用
從魁是也兩俱克者皆下以克上為用上以克下為
體也下克上者用兵之家憂深上克下者憂淺自兩
上克下以此為用三月庚午日河魁是也自有俱比
以淺害深者為用四月戊辰日丑時勝光是也自有

涉害俱深以先見者為用五月己酉日戌時用勝光
是也自有上下俱不相克以遙相克為用也金匱經
曰交俱不入當獨立此謂遙見相克也假令正月甲
辰日寅時即以正月合神登明加甲上甲日見登明
水木不相克辰上見大吉二土不相克登明本位亥
上見傳送是金遙見甲木即以傳送此謂遙見克他
皆倣此自有俱遙見克者以比者為用自有俱比以
還先見用自有日遙相克神神克日兩俱見以神克
時日為用無神克者乃用日克神為用自有兩遙克
日亦以比為用自有俱比以此先見者為用先見為

先後辰課四課者自有無遙相克者當以仰伏視之
此法為用何謂仰伏視之說者曰西方白虎宿有昴
星主天獄也剛日當從地下星仰望天上隨所見神
仍以為用柔日當從天上昴星伏視地下所見辰以
此神本位為用假令仰見大吉即以大吉為用假令
伏視地下見午以天上勝光他皆倣此所謂仰伏視
為用也昴星不可全信以日辰上審之剛日中傳辰
後傳日柔日中傳後日傳辰自有八傳曰唯有两課
見有相克亦涉害深為用無克日剛日從日上陽神
順數柔日從辰上陰神逆數皆及三神為用何謂八

專申寅庚申巳未丁未癸丑辰同也假令正月甲寅
日寅時以月將加時申上寅上見登明此謂地上二
神也共見天下一神假令正月甲寅日卯時以月將
加卯上寅上共見河魁此謂一神臨二神河魁本位
上見勝光不相克即以河魁為用無相克乃用逆之
之數焉順數法假令正月庚申日戌時庚與申共見
從克從河魁本位上見河魁皆不相克庚剛日當從
庚申上起從魁順數之及三神到戌上登明即以徵
明為用也逆數法假令正月巳未日戌時以月將加
戌巳未共見傳送傳送本位申上起河魁皆不相克

柔日當從傳送傳送本位申上起從魁為始逆數到
午上得小吉為用自有伏吟時剛日用日上神柔日
用辰上神皆前刑而後克前破而後衝以為三傳金
匱經曰剛以日柔以辰不共言無相克也剛日起日
上神柔日以辰上神為用凡伏吟皆前刑後克前破
後衝何謂刑用寅刑巳用子刑卯之屬也何謂破午
無刑破子就卯亥無刑破寅刑申之屬也辰無刑破
丑酉無刑破子是也自有反吟時剛日以日一作衝為
用柔日以辰衝為用皆載衝而後刑為三傳何謂四
衝假令甲子日甲衝辛辛上見天罡以為用天罡而

又反衝河魁此為戰衝然後刑未何謂辰衝假令乙
丑日丑衝丙丙上見登明為用用登明而後破功曹
又辰衝大乙此謂再衝然後刑申一云反吟猶有課
課發卦而後前衝後刑王曆詳之凡加臨四課式反
伏二吟皆須知發課之神即三傳也何謂三傳假令
小吉臨寅為用即小吉為第一傳小吉本位見神后
神后即第二傳神后本位見太乙太乙即為第三傳
所以三者象三正四者象四時能於傳課以求相克
之神斯足以見用兵之利害矣集一作利靈經曰用式之
時朝何南暮何北避歲月二建說曰甲乙日日入時

丙丁日夜半時戊己日平旦時庚申日巳時壬癸日
晡時已上不可占也云正月五月九月卯二月六月十月
子三月七月十一月酉四月八月十二月丑巳上以
天罡加之增減式法

遁甲遊都第一百二十九

璧玉經曰玄女言可與人妻奴不可示人遊都欲
知敵人必決遊都之法甲巳日大吉乙庚日神后丙
辛日功曹丁壬日太乙戊癸日傳送皆以月將加時
聞賊時遊都加日辰敵即到臨一辰一日到臨二辰
後二日到臨三辰已過矣勿憂都旺相克日辰凶益

甚囚死不克日辰無以患說者曰吏神姦神一名遊
都吏在天一前姦在天一後姦在後加日辰在我家
年止謀我身又說曰以吏為遊都以賊為虜都其法
同加日皆不可出軍也甲巳之日吏神申賊神寅乙
庚之日吏神子賊神午丙辛之日吏神寅賊神申一作巳
盜神亥丁壬之日吏神巳盜神申賊神亥戊癸
之日吏神申盜神巳賊神寅說曰申子辰功曹為天
賊亥卯未太乙為天賊巳酉丑登明為天賊寅午戌
傳送為天賊說曰遊都將者總護天賊天殺諸將若
加臨辰則立到臨好鄉則不戰有降兵卒臨所畏大

戰父子不相親中外不相信臨東方兵凶西方兵威
不可加西方利臨勒兵賜將士加北方利禦敵凡為
將皆須知是遊都將不能知是者與士位同耳若欲
都將之術甲巳之日大吉乙庚之日神后丙辛之日
功曹丁壬之日太乙戊癸之日傳送說曰都將凡臨
日辰而相克者賊來疾速加季刺史亦為來一作求四孟
神不來一作求若在天一在一辰一日來一作求二辰二日來
一作求三辰三日來一作求四辰無賊來後三辰為過去凡三
都將所臨賊在其下說曰欲知賊消息往天耳聽之
天耳者大吉小吉是也說曰正時占大白入熒惑賊

來熒惑入大白賊不來丙丁為熒惑庚辛一作申為大白

說曰天一加日今到天罡小吉大乙神后加日辰敵

來至急又曰天罡加孟言虛加仲賊來至半道加季

即到說曰巳在前賊不知處者正時天目所臨賊在

其下矣天目者春氏氏乙下夏柳柳午下秋胃胃辛

下冬女女癸下一說神后為玄武加日時敵急到說

曰宵聞敵三刑加日辰到急三刑者天罡大衝大乙

也又占敵以明將加時天罡或如房屋或臨日辰不

可出軍當逢剽掠說曰白虎勾陳加到巳地聞應有

巳即為盜或甲日必有敵揚兵見血騰蛇朱雀但驚

恐耳傳送加孟敵肇發加仲半道加季即到說曰占
聞前後有奸賊欲知何所在者以月將加時看大吉
大吉加子午賊在大衝下加丑未在大乙下加寅申
在傳送下加卯酉在從魁下加辰戌在登明下加巳
亥在大吉下勿避此等必有傷害聞有賊用月將加
時便看大吉前在也正時大衝神后大乙加日賊在
前加辰賊在後說曰甲巳之日子為吏亥為賊乙庚
之日亥為吏酉為賊丙辛之日寅為吏巳為賊丁壬
之日巳為吏申為賊戊癸之日申為吏卯為賊占賊
有氣其賊必來占死氣賊不到又此時言吉凶以意

消息之可也

五行勝負第一百三十

五行者順五行所直之時日以定主客之利害也金
日金時無所害也行師不遇敵旗色上白報兵馬事
來一作求虛聲也金日水時若值申子辰之日忌之日辰
時當避之行師不遇敵旗色上黑報兵馬事來則不
到見賊亦無戰自相休解金日火時若寅午戌日忌
寅午戌時避之行師宜客為我利乘敵未動亟引兵
擊之旗色上赤若敵先來攻我不與戰報兵馬事凶
急備之金日木時宜主我不可往旗色上白敵來堅

陣待之與戰必勝報兵馬事大吉金日土時不遇敵
亦無戰陣旗色上黃報兵馬事來勿憂若值子日子
時避之火日火時無所害也不遇敵遇亦不戰旗色
上赤報兵馬事來虛聲也火日水時宜客報兵馬事
凶急避之見敵若未動則我先引兵赴戰并力擊之
旗色上黑若敵先來攻我我則堅壁固守不可應之
火日金時宜主不利往敵來攻我我舉赤旗反往擊
之必勝矣火日土時亡所害也見敵亦無戰旗色上
黃報兵馬事來虛聲也火日木時亦相生不相克也
更觀時之衰如何宜主敵來攻我則舉赤旗擊之報

兵馬事

一作來

木日木時亡所害也不宜動作事多不就

亦無戰陣報兵馬事虛聲木日火時宜客利速引兵

赴敵旗色上赤一作黑若敵先來不可應戰報兵馬事凶

亦觀時之衰旺如何值巳酉丑日當忌巳酉丑時避

之木日金時宜客利我速引兵擊之旗色上白若敵

先來攻利固守勿與戰木日水時不遇敵遇亦自退

旗色上黑報兵馬事來虛聲也木日土時宜主若敵

來攻舉青旗擊之報兵馬事凶一作吉水日水時無所害

也不遇亦自散旗色上黑報兵馬事來虛聲也水日

火時宜主慎勿先動若敵先來攻當舉黑旗放兵大

擊之報兵馬事大吉水日金時見敵不與害旗色上
白報兵馬事虛聲也水日木時旗色上青報兵馬事
虛聲也水日土時不可動衆報兵馬事安靜勿憂夫
土能克水 水又能決土也更審時之衰旺如何若
敵來乘土上旺勿與戰土衰則又舉黑旗擊之土日
土時無所害也不可動衆旗色上黃報兵馬事虛聲
也土日木時宜客利敵先動而擊之旗色上青若敵
固守勿與戰報兵馬事凶土日金時不遇敵遇亦無
害報兵馬事虛聲也土日火時主不可動敵來攻勿
與戰戰者少衰報兵馬事來小有焚燒驚恐土日水

時先觀時之衰旺何如然後動靜焉土旺宜主水旺
宜客敵來氣生勿與戰衰則擊之報兵馬事凶甲子
甲午金日甲子乙丑金時丙寅丁卯火時戊辰巳巳
木時庚午辛未土時壬申癸酉金時甲戌乙亥火時
乙丑乙未金日丙子丁丑水時戊寅巳卯土時庚辰
辛巳金時壬午癸未木時甲申乙酉水時丙戌丁亥
土時丙寅丙申火日戊子巳丑火時庚寅辛卯木時
壬辰癸巳水時甲午乙未金時丙申丁酉火時戊戌
巳亥木時丁卯丁酉火日庚子辛丑土時壬寅癸卯
金時甲辰乙巳火時丙午丁未水時戊申巳酉土時

庚戌辛亥金時戊辰戌戌木日壬子癸丑木時甲寅
乙卯水時丙辰丁巳土時戊午巳未火時庚申辛酉
木時壬戌癸亥水時巳巳巳亥木日甲子乙丑金時
丙寅丁卯火時戊辰巳巳木時庚午辛未土時壬申
癸酉金時甲戌乙亥火時庚午庚子土日丙子丁丑
水時戊寅巳卯土時庚辰辛巳金時壬午癸未木時
甲申乙酉水時丙戌丁亥土時辛丑辛未土日戊子
巳丑火時庚寅辛卯木時壬辰癸巳水時甲午乙未
金時丙申丁酉火時戊戌巳亥木時壬寅壬申金日
庚子辛丑土時壬寅癸卯金時甲辰乙巳火時丙午

丁未水時戊申巳酉土時庚戌辛亥金時癸酉癸卯
金日壬子癸丑木時甲寅乙卯水時丙辰丁巳土時
戊午巳未火時庚申辛酉木時壬戌癸亥水時甲戌
甲辰火日甲子乙丑金時丙寅丁卯火時戊辰巳巳
木時庚午辛未土時壬申癸酉金時甲戌乙亥火時
乙亥乙巳火日丙子丁丑水時戊寅巳卯土時庚辰
辛巳金時壬午癸未木時甲申乙酉水時丙戌丁亥
土時丙子丙午水日戊子巳丑火時庚寅辛卯木時
壬辰癸巳水時甲午乙未金時丙申丁酉火時戊戌
巳亥木時丁未丁丑水日庚子辛丑土時壬寅癸卯

金時甲辰乙巳火時丙午丁未水時戊申己酉土時
庚戌辛亥金時戊寅戊申土日壬子癸丑木時甲寅
乙卯木時丙辰丁巳土時戊午己未火時庚申辛酉
木時壬戌癸亥水時己卯己酉上日甲子乙丑金時
丙寅丁卯火時戊辰己巳木時庚午辛未土時壬申
癸酉金時甲戌乙亥火時庚辰庚戌金日丙子丁丑
水時戊寅己卯土時庚辰辛巳金時壬午癸未木時
甲申乙酉水時丙戌丁亥土時辛巳辛亥金日戊子
己丑火時庚寅辛卯木時壬辰癸巳水時甲午乙未
金時丙申丁酉火時戊戌己亥木時壬午壬子木日

庚子辛丑上時壬寅癸卯金時甲辰乙巳火時丙午
丁未水時戊申己酉土時庚戌辛亥金時癸未癸丑
木日壬子癸丑木時甲寅乙卯水時丙辰丁巳土時
戊午己未火時庚申辛酉木時壬戌癸亥水時甲申
甲寅水日甲子乙丑金時丙寅丁卯火時戊辰己巳
木時庚午辛未土時壬申癸酉金時甲戌乙亥火時
乙酉乙卯水日丙子丁丑水時戊寅己卯土時庚辰
辛巳金時壬午癸未木時甲申乙酉水時丙戌丁亥
土時丙戌丙辰土日戊子己丑火時庚寅辛卯木時
壬辰癸巳水時甲午乙未金時丙申丁酉火時戊戌

巳亥木時丁亥丁巳土日庚子辛丑土時壬寅癸卯
金時甲辰乙巳火時丙午丁未水時戊申巳酉土時
庚戌辛亥金時戊子戌午火日壬子癸丑木時甲寅
乙卯水時丙辰丁巳土時戊午巳未火時庚申辛酉
木時壬戌癸亥水時巳丑巳未火日甲子乙丑金時
丙寅丁卯火時戊辰巳巳木時庚午辛未土時壬申
癸酉金時甲戌乙亥火時庚寅庚申水日丙子丁丑
水時戊寅巳卯土時庚辰辛巳金時壬午癸未木時
甲申乙酉水時丙戌丁亥土時辛卯辛酉木日戊子
巳丑火時庚寅辛卯木時壬辰癸巳水時甲午乙未

金時丙申丁酉火時戊戌巳亥木時壬辰壬戌水日
庚子辛丑土時壬寅癸卯金時甲辰乙巳火時丙午
丁未水時戊申巳酉土時庚戌辛亥金時癸巳癸亥
水日壬子癸丑木時甲寅乙卯水時丙辰丁巳土時
戊午巳未火時庚申辛酉木時壬戌癸亥水時

戰位第一百三十一

龍首經曰將欲出兵初以木日聞事謂四方舉兵及
仇怨皆是不利我欲攻之日必以火日火時行火日
出出必火門此謂父母與子除害子謂父母報仇故
以火日火時出行火門慎勿出金門勿合金神加年

上

謂大將年也

言金木也假令三月甲子從魁加戌聞驚

事甲木日也到其行時以丙丁日巳午時往為火時

出勝光太乙火門也太乙又火時也假令大將年加

木傳送加之為

一作如

金神克其年也西南抵申又從從

魁加之為出金門也則運不可金大凶太乙勝光加

人年上吉也龍首經曰諸欲一作陳兵必伺一作向白虎

六甲為青龍六丙為朱雀六戊為勾陳六庚為白虎

六癸為玄武假令甲子旬青龍在子朱雀在寅勾陳

在辰白虎在午玄武在酉大將處青龍執法行刑抵

朱雀將往來抵勾陳以白虎加敵人伏勾陳抵玄武

他皆倣此白虎不以克大將軍年上之神假令大將

年立從魁傳送加之而甲子旬白虎在勝光此克年

上之神也奎婁向左角亢向右北斗向柳張權衡而

從斗魁陰攻陽以河魁到大衝陰也以天罡到從魁

陽也大吉攻小吉是其當日加四仲以陽攻陰往攻

大吉是逆兵也又不令青抵白甲乙不可西行向攻

喪也黑不可抵黃言丑癸不可向四季鄉可向羅攻

他皆倣此又言春庚辛不可向南攻戰也春戊巳不

可東攻也立今日之神起其後攻其前面甲寅日後

二在子也又言天乙吉將加所攻之處也今年上神

往制所攻之神及其上神即擒敵矣又不可攻有氣之神後自爲患子攻父母大逆天道威不能疆必主折兵自傷甲乙日北向攻焉父母也逆天之理兵不成威將受戮南攻者攻其類衆人莫貴還受其屈西南攻者其不勝是自窮東南攻者此謂自攻也攻四維攻其所勝大吉有福他皆倣此首察於死生之理謂神之後二通神又重之以天乙之道謂六壬癸之吉將也故曰通於三天者順斗行一也攻所勝二也其後二之辰攻其前面三也十二月甲子將加壬從戌攻辰是後二也大將年五十立卯功曹臨之甲子

旬白虎在勝光不與將年上神相克也東西攻辰地攻所勝也又有四將勾陳攻所勝之辰年上之神勾陳神皆制所攻之鄉若上之辰克下辰是謂敵降此又背胃昴攻房心隨斗擊乃行政一當百矣諸欲戰鬪者必以先爲客後爲主人先起者令下克上後起者無令上賊下謂陳勾所臨之辰也若辰勝將則主人勝客將勝辰則客勝主人反此兵雖弦上將必不勇也

八宮第一百三十二

八宮之地結陣立營必居一焉以順陰陽動靜之用

師之屯致於東方東方震宮也震之象一陽在內而二陰在外陽為主將之位也牙帳深軍中利作樂利先震其威聲大將不可使敵見其刑爵雀作殺罰以甲乙日祭青旗合戰之時大將不可暴露於外師之屯致東南方東南巽宮之象一陰在內二陽在外也以陰為主將之位牙帳宜深大將宜利作先宣明號令慎其聲聞以宜以正自近及遠主將深隱令出必行師之屯致於南方離宮也離宮之象一陰得中二陽在外以陽為主將之位牙帳宜居中大將利外嚴威號令不可與人狎使人望而畏之內則虛以待賢者利

多禮明視為務以丙丁癸日赤旗出戰利處中不宜深隱亦宜顯揚使師之屯致西南坤宮也坤之象三位皆陰也牙帳利於西南戰將宜嚴厚寬順以色容善馭為務動不妄順則吉以戊己日祭黃旗出戰及在營不利暴露于外師之屯致西方兌宮也兌之象一陰在外二陽在內以陰為主將之位也牙帳宜近外大將宜剛嚴肅政多所決罰制斷以順布澤以庚辛日祭白旗出戰宜近外按部伍不宜深隱師之屯致西北方乾宮也乾之象三位皆陽也牙帳利不常立其地大將宜剛正圓轉任其智慮應變不窮出戰

之時不可使人知處摩軍運動左右順用之師屯致
於北方坎宮也坎之象二陰在外一陽居中主將之
位也牙帳利得中大將宜柔容貌以禮接賓客中多
剛斷運動不惑以壬癸日祭黑旗出戰之時利居中
不利暴露於外亦不利深匿一作愚師之屯致于東北方
艮宮也艮之象一陽居外二陰在內也陽為主將之
位也牙帳利近外大將宜慎重敦厚游言勿聽敵言
勿驚撓妄動出戰之時利近外指揮吏士如是者居
其方而順性者善也動靜與天地鬼神合加之以不
私於心斯謂之善矣

虎鈴經卷第十二終

虎鈴經卷第十三

占相兵臨利害第一百三十三

占兵已交勝負第一百三十四

占伏兵第一百三十五

占疑左右伏兵第一百三十六

占偷城及擄掠第一百三十七

占疑有人謀已第一百三十八

占灾危第一百三十九

占野地立營正宿第一百四十

占度關梁探賊第一百四十一

占相兵臨利害第一百三十三

金匱經曰戰不戰視勾陳勾陳克日則戰與刑克必戰甲子曰刑在東方傳送與從魁為勾陳臨甲文相克必戰鬪勾陳上下相克亦鬪又曰軍出時大吉小吉臨日辰兩解不戰他皆倣此神皆合戰又說曰斗加孟神在內宜止加仲神在門兩相傷加季神在外宜出戰必大勝

占兵已交勝負第一百三十四

金匱經曰敗不敗視六害說者曰酉戌相害子未相害午丑相害巳寅相害辰卯相害假令本命在子而

小吉為白虎加之此為見六害以此將兵今日戰將

能此者可校之戰矣龍首經曰先起為客後起為主

先起不可下克上後起不可上克下謂初陣傳也辰

勝神將主人勝神將勝辰客勝說曰一作假令三傳終始

見前三五後二四一作有有氣天一之神臨主帥行年本

命或用起天一而治一作有有氣之鄉玄武一作都立四死之

地則戰勝矣若玄武臨日辰面遙光時勿戰必不利

矣用戰起雄吉春寅夏巳秋申冬亥用戰起雌凶春

申夏亥秋寅冬巳一云都將旺相而臨死賊勝都將

囚死而臨旺相討賊者勝審察之說曰決勝敗者勾

陳克都將官軍勝都將克勾陳賊軍勝都將三相加
臨囚死亦賊勝說曰將軍年克勾陳白虎大勝不然
者勾陳克玄武以攻之必克說曰將勾陳所軍神往
攻所制之神勝所攻之勝神與勾陳并氣自下制其
所臨之辰是為敵降必有大攻說曰初起者欲勾陳
下克上後起者欲勾陳上克下辰勝將將勝神主人
勝神克將將克辰客人勝干克支客勝支克干主人
勝

占伏兵第一百三十五

卯子甲巳臨日辰必有伏兵此神旺相與殺并大凶

必血戰伏兵發必不與殺并伏兵不敢發也說曰以
聞事時斗加季有伏兵說曰干傷者有伏兵支傷者
無伏兵支干俱傷必有伏兵戰必不勝大凶

占疑左右近地伏兵第一百三十六

若疑賊有伏兵在左右近處欲知所在者於斗下求
之說曰大吉過日辰賊已出界不過未出界

占偷城及擄掠第一百三十七

說曰以月將加時勝光玄武不可行襲人城壘擄掠
之事以玄武所畏為厄會木神為玄武則庚申辛酉
勿須行

占疑有人謀已第一百三十八

正時說曰日上神為己身辰上神為他人日上克辰上神有怨恨又言辰上克日上神將見騰蛇白虎魁罡或在辰上見者事成非辰上見者不成但有意說曰欲知他人有所謀假令七月時加寅七月甲死於申今復遇庚二生一作王金逢一死本是二人欲殺一人他皆倣此

占灾危第一百三十九

吉辰與良將并臨日辰及行年勾陳制所欲出之辰之用起陰傳出陽者可出必克免難金匱經曰傷不

傷觀陰陽說曰今日是乙丑加一為不傷將得天后為重不傷若神后加丑從一作可魁加一為傷人為前二重傷皆凶也

占野地立營正宿第一百四十

金匱經曰怖不怖視五墓怖懼墓加日辰亦不寧說曰聞有敵兵士卒行疲日晚欲停此宿運式占之遇三刑加日辰必不可停敵欲來攻三刑者卯辰巳也說曰降宮時宜正明勿留也已止宿未定而心動眼瞋若吏士虛驚者以月建此三字住一云將加時魁罡加日辰急去之夜必有賊來攻一云大吉曰急去

不可止一云辰上見大衝有風雨見神后太乙有盜賊說曰絳宮時宿利在中欲明時利在前玉堂時利在後也一云大吉干日急去不可宿說曰辰巳見卯夜有風雨子巳加卯有盜賊帶旺相氣即來帶囚死氣即不來說曰安營止宿以月將加時魁罡加日軍夜驚騰蛇白虎臨日辰軍載驚一去魁罡加日大將死

占度關梁探賊第一百四十一

金匱經曰凶不凶視破衝說曰行年在歲月日時破衝下皆凶也日辰上神上相生宜進反此宜止說曰

命在一處日辰上罡光明急去勿住也說曰聞此賊干傷或支傷勿度或吉度支干俱吉說曰欲入賊營視二門天罡六合大常大衝勝光臨之可行若出入見勾陳朱雀騰蛇白虎勿行必為賊所擒

虎鈴經卷第十四

占星統論第一百四十二 日第一百四十三

月第一百四十四 雜星第一百四十五

客星第一百四十六 妖星第一百四十七

流星第一百四十八 彗星第一百四十九

占星統論第一百四十二

臣謹按星經及諸傳記凡諸星宿中外羅列周天蓋
隱見變化下應人事七曜往來以爲經緯災變之作
實在於茲凡爲大將不可不詳察星位以括休咎焉
或興受命之術或起敗亡之兆鮮不由此矣中宮大

極其一明者大乙常居也旁三星曰三公或曰子屬
後四星末一作未大星曰正妃餘三星後宮之屬也環之
十二星藩臣也皆曰紫宮前列直斗口三星隨此一作北
端銳微日陰陽或曰天一紫宮左三星天槍右三星
天棓後十七星絕漢抵營室日闕一作闕道北斗七星所
謂璇璣玉衡以齊七政杓携龍角杓斗柄也龍角東方也携也連也
衡中南北魁抗參首用昏建者杓杓自華蓋以西北
斗第七星法大白主杓者十之尾為陰又其用昏之陰住在西方故主西南也夜半建者衡
衡正中州河濟之間假令杓昏建寅衡夜半亦建寅也平旦建者魁
魁海岱以東北也斗魁第一星法為一作於日主齊魁斗之首首陽也其用在明陽為

明德在東方故主東北方也斗為帝車運於中央臨利一作利制四海一作極
分陰分陽建四時均五行移一作利節度定諸紀一作紀皆學
於斗斗魁載筐六星曰文昌一曰上將二曰次將三
曰實相四曰司命五曰司祿六曰司災在魁中貴人
之牢魁中四理曰天理四星在斗魁中貴人牢曰天理魁斗六星兩兩而北
者曰三台三台色齊君臣和不齊為垂戾輔星明近
主輔臣親強暗小主疏弱杓端有两星一內為矛招
搖近北斗者天子星也招搖近河三星天矛天鋒天楯招搖一星也一外為楯天鋒
遠北斗也在招搖第一星也名曰天鋒有勾圓一作畚十五星曰賊人之牢
牢中星實則因多虛則開出也若夫天一天槍天矛

天楯動搖其芒角則天下之兵戈大起也東宮蒼龍

房心

謂房心載角曳尾若龍也

心為明堂大星天王前後星子屬

不欲直直王失計房為天府曰天駟其陰右驂旁二

星

旁一作房

鈴鈴北斗星曰牽牛東北曲十二星曰旗旗

中四星曰天市天市中星衆者曰實虛則耗房南衆

星曰綺官左角理

李作

右角將大角天王帝座建其兩

旁各有三星鼎足勾之曰攝提者直斗柄以指以建

時節故曰攝提格亢者為首宗廟宗疾其南北兩大

星曰南門氏為天根主疫厄

屏一作

為九子曰君臣片絕

不知箕為傲客后妃之府曰口舌火犯守角則有陣

戰犯房心王者惡之南宮朱雀權衡軒轅為權大微

為衡衡大微三光之庭衛十二星藩臣西將東相南

西四星曰執法中端門左右掖門內六星諸侯其內

五星五帝座後聚一十五星曰哀鳥郎位旁一大星

將位也五星順入軌道司其出所守天子被誅也其

逆入若不順軌道以所犯之名中座成刑中座者犯

帝者也成刑者成禍福之刑也群下不從謀也金大

尤甚迂藩西有隨星四曰少微士大夫權衡軒轅黃龍

體如騰蛇也前大星女主象旁小者星御者後宮屬

月五星犯者如衡占東井為水事大入之一星居其

左右天子但以火為敗東井曲星曰戍北北河南南
河兩河天關間為關梁輿鬼則鬼祠事中白者為質
輿鬼五星中白者為質火守南北河者兵起之象也
穀不登故德成衝觀成潢日月五星不軌道也衝大
微廷也觀占也潢五潢帝居車合也傷成戍賊傷之
先占成形於戍也誅成質熒惑人輿鬼天質者占曰
大臣有誅也禍柳井東方水事火入一星居其旁天
子但以大敗故曰禍成為鳥啄主草木七星順為圓
營主急事張喙為厨主觴客翼為羽翮主遠客都為
車主風其旁有一星曰長少星不欲明明與四星

等若五星入軫兵大起也軫南衆星曰大庫庫有五
車車星角有著盜衆及不具亡處車馬西宮咸池天
五潢車舍火人旱五帝金入兵起水滂水中有二柱
柱不俱者兵起奎曰封豨為溝瀆婁為聚衆胃為天
倉其南衆星曰層積帛曰施頭胡星也為白衣會畢
日罕車為邊兵主弋獵其大星旁曰小星附耳搖動
有讒亂之臣在側畢昴為天衙其陰陰國其陽陽國
陰胡也陽中也參白虎也三署真者是為衡石參三
星白虎宿中東西直有以稱衡也下有三星銳曰罰
在參間之星也上小下大

故曰銳銳曰罰三為斬菱
小星斜列死錢形

事其外四星左右有設一作服也小三星隔置曰觜觿為

虎有保旅事保守也旅軍衆言佐其南有四星曰天

厠厠下一星曰天矢矢黃則吉白及青則凶其西有

勾曲九星三處羅列一曰天旗二曰天苑三曰九游

其東有一大星曰狼狼角變色則多盜賊下有四星

曰孤直狼北地有大星曰南極老人星見則有天下

治平不見兵起常以秋分候之南郊附耳星入壁中

天下兵起北宮玄武虛危為蓋屋危上一星高房也虛

為哭位之事東一作其南有衆星曰羽林之軍虛危一作營室陰陽

始終如為之處際會之間常天軍之西曰壘或曰鉞

多奸邪故設羽林為兵衛

旁一大星曰北落若微天一作亡軍星動角益稀及五星

犯北落入天庫一作軍兵火起火金水犯之尤甚火犯多

憂兵事水犯憂水患木土犯之軍吉危東六星兩兩

而北曰司寇一作空營室為宗一作清廟四一作口离宮闔一作閤道漢

中四星曰天駟旁一星曰王良榮馬車騎滿滿野旁

有八星統漢曰潢星旁江星動人涉水杵臼四星在

危南若瓠瓜有清黑守之魚塩南斗為廟其北建星

建星者旗也牽牛為犧牲其北河鼓河鼓大星為上

將左右者為左右將婺女其北為織女織女者天孫

也是以聖人以春秋二百四十二年之間日食三十

六彗星三見夜明常星不書也見夜中星殞如雨皆書之當時禍亂輒應上下交怨諸侯犇走戰伐並興一作與不保其社稷者不可勝數是知玄象示變吉凶之微也凡為將者不可不詳之也

日第一百四十三

無雲而日色昏晦者主將不明也或日月陰沉無光不雨或十晝夜不見日月者日蒙此時不可妄委兵於人大將不患之象也日色青軍令削弱吏士多凌正也或日邊雲氣文成五色者破軍殺將之象也其大禍在二年之內或赤雲截日如杵形者兵將大戰

血氣先動者敗或日月旁有物如枯樹起兵者勝或雲氣如青衣人無手在日西立者所見之軍當有帝王此勝侯也兩軍相當日暈等者力均若曰殺將抱而日抱且載者有喜圍在於中者內兵勝圍在於外者外兵勝日弭一作弭拜大將有兵在野日有足白者所臨破軍殺將有背氣青赤色曲而向外者為背叛之象也其將有二心日背有缺氣被直向外如山字者兩軍相當所臨者敗軍兩相當日有冠纓者和解抱截一作載大喜日外青內赤則兩軍以和相去日外赤內青則兩軍以惡相去日之氣暈先至而後去居軍勝

若先至先去前有利後有病後至後去前病後利先
去前後皆病軍不勝見而去其後發病小勝必亡功
見半日上有功暈一作缺兩軍相當缺擊之缺方敗抱
暈者隨抱暈克日背暈而弭外軍凶暈有直氣在外
者所臨克日月背暈兵陣不合七月日暈不解者不
可起軍暈而背抱弭及值而實之者順從擊之克暈
而兩珥一在外一在內并有聚雲不出三日兩軍和
解之又有他軍圍城九日暈制勝近期三十日遠期
六十日日下有雲氣如龍形蜿蜒者凶日闔將大血
戰之下亂日失行凶日月揚光重輪日五色當之大

吉利日無光而赤暈主將憂重暈敗白暈驚子日日
食兵起魏分丑日日食兵起趙分忌六月十二月兵
動寅日日食兵起燕分忌正月七月卯日日食兵起
魯分忌二月八月辰日日食兵起楚分忌三月九月
巳日日食兵起宋分忌四月十月午日日食兵起韓
分忌正月七月未日日食兵起齊分忌六月十二月
申日日食兵起魏分其禍最深忌五月十一月酉日
日食兵起鄭分忌二月八月戌日日食兵起宋分忌
正月七月亥日日食兵起秦分忌四月十月夫日食
之食向上者不出九十日征伐日食從下向者百姓

更有侵奪日從旁食者兵動隣國

月第一百四十四

黃虹貫月者兵起月旁氣漸漸大者不可攻城叩陣
宜屯兵以自守敵來勿與戰月旁氣細細從外侵輪
但攻城小戰勝月旁氣遠之不得攻城切宜堅自守
備或氣繞月而光明者主人吉但守勿憂外賊或星
在月背城中兵欲敗走星在月角軍內有智謀之士
勿輕敵月之下角有星敵人潛入我軍宜精守四門
詳別詐偽或三星上下在月之上下角及在月背用
兵不利攻城不捷或三星俱在月背攻戰城皆不利

軍中亦有失叛之事宜精慎明察恤撫三軍或三星
俱在月上者攻戰不利或三星俱在月形中敵中兵

亂三日內降

月形中者謂彎月之虛氣也

三星俱在月下敵中當

有詐降大造戰具欲乘間大戰月入大微出北座若
犯北座則下謀上用出房戶北為兵亂出房戶南為
兵敗喪月暈七重在參畢之間兵大成辰星在翼月
犯之大將死太白入月胡兵退月暈光起兵者勝抱
載一作負載赤色在外外克在內內克月暈之時歲星鎮
星色暗則主克若明勝月暈大白色暗主勝色明克
勝月起房箕大風起暈於參畢大兵起軍出之時卯

蝕即凶大星入月色暗惡客敗色明客勝月暈赤色
客勝月垂四冱敵來攻月帶四彗而出密備奸人謀
主將不忠兵大起月在天獄中吏士多犯禁星貫月
中主將多淫亂之事亦防姦人亂軍兩月相重吏士
爭亂爭一作大日月並見將弱士疆月食謀者不明入井
中者兵起月逼近大微者大臣謀亂月臨天獄者從
四邊周回食向心者太亂食於八月九月者敵兵盛
一作勝苟欲詳日月星辰之變當以二十八宿之分野驗
之則知在於彼我矣

雜星第一百四十五

福慶之星其化者何積天地淳

純一作

粹之精氣也精氣

動而化之也飛流之星其化者何五星之精氣也五

星有變則精氣散而為妖星是故漢書曰天暉而景

見

暉者赤赤方與青方相連赤方氣中有兩星明也青方氣中有一黃星明凡三星相合而明則為景

星者

景星者也黃而潤澤其狀無常常出有道之國

苟或見於君上此乃應天之兵大慶之兆也若在當

速自退軍不可與抗也或流星長四五丈如龍蛇動

搖者大將凶或白雲如車輪下有流星旋入北斗者

主人當走星有勃於招搖者夷狄將亂或流交於天

心者敵盛或流衡太白而過者大將凶或流星貫日

而滅敵凶或流星貫於紫宮備奸賊下謀上流星前
赤後青黑者客軍敗流星從敵上來立吾營上者當
有奸謀來說吾軍流星尾長三尺暉然者氣使也赤
色者將軍使也凡用兵攻其星見之所則克也流星
色蒼白者爲使赤則有兵黑則喪星有曳光如疋練
墜軍中者星有色如血及星有光奕奕細碎墜軍中
者敵兵陰到多殺傷或星無尾形色如橘或有拖光
如劍形墜軍中者敵兵剛猛我必敗或大星無尾狀
如斗及火星狀如橘大而色黑晝墜軍中者主大殺
害星有五色曳尾或有圓光大如斗內赤黃而外青
及有頭如血而尾白墜軍中者敗兆也

客星第一百四十六

客星者非主座之星也故曰客星色白如氣勃勃以
絮所過之宿必有災害出營室無兵亦不罷入奎破
兵殺將犯婁胡亂入昴胡入犯塞入畢邊有急兵一作水
犯觜堡虛軍儲少飢犯柳兵起守張將有陰計兵起
入招搖胡兵起入天槍兵起入天棓兵起犯文昌星
蒼色將有憂色多赤將驚色黃將喜色黑將死守傳
曰胡入中國守天雞天下兵馬驚守天街胡王死入
婁庫兵起守南河兵起守騎官將憂士卒疫守北落

師門虜入塞兵起守天倉粟貴入天苑兵作馬死入
天宮天下弓弩皆張出天宮匈奴兵起守庫騎西羗
來降守九洲殊口負海不安

妖星第一百四十七

天鴈星將軍之精華也危青赤有光尾長三四丈大
猾星者飛星忽作爲雲者也所以兆地有流血積骨
之象也頓頑星如天龕前卑後高見則大將死燭星
者狀如太白其出也不行纔見而滅所燭之地城邑
拔兵破亂也天狗星者狀如火流星有聲星其下也
止地其形類狗遠望之如火光炎炎中天而下圓如

類頃田而上銳黃色見則千里破軍將死也

二日有尾如狗

形也蚩光旗類彗而尾曲象旗見則正者征伐四方天

蓬絮者類十小星綿聯如絮所見之野當有兵起虎

頭星者其落如大月着地

作城

則光星類里大聲如雷

所墜之地兵火起旬始星出於北斗旁狀如椎雞怒

則青黑象伏驚見則兵亂格澤星者如炎火之狀黃

白色起地上銳

作鈍

而下大也其見也不種而獲不有

土二必有大害枉天星者類大流星蛇行如蒼里如

有毛日長如一疋布着天此星見則天下兵起昭明

星者白而無角乍上乍下所見之地兵多變動也五

殘星者出正東方東方之星也其狀如辰星去地可
六丈大而黃六賊星者出正南方南方之星也去地
一作行六丈大而數動有光焰司詭星者出正西方西方
之星也去地六丈其狀如太白大而自咸漢星者出
正北方之星也去地可六丈而赤數動察之則中青
此四星所出非其方其下當起兵爲亂衝擊者不利
焉四鎮星者出四隅之地去地可四丈城維藏星光
者亦出四隅去地可二丈若月之初出所見則下有
亂兵興動有德者昌或二赤星在月背者利宮姓爲
將或三赤星從西北向東南者利徵姓爲將或一赤

星從西向東者利角姓爲將或二赤星共尾一處從
東向西者利商姓爲將或三赤星引尾直上者利羽
姓爲將夫星象所見兵家禍福之本不可不詳之

流星第一百四十八

流星者天使也上者曰飛下者曰流也飛大曰奔星
小曰流星大使大星小使小星謂紫微大微宮也徐
行漸進經於列宿之次或於大星之座爲使也聲大
者怒象也疾出遲出者並爲妖星八角四夷兵起前
黑後赤兵敗將亡入參不出先起者敗犯七星兵起
色青兵起入河鼓大將亡一云河鼓兵起出王良兵

起入將軍及羽林兵大起抵北落兵起使星出入天庫匈奴兵起抵天市垣大將亡抵天狗犯弧矢將有千里之行使星出廐兵馬起

彗星第一百四十九

彗星長而亘天兵大起也引尾入城城將接近則入日遠則十二日有應彗直垂入軍營者凶宜一作遠拔之否則士卒俱死若在敵宜急擊之彗出於月之左右者不出三十日有兵起抵觸月者暴兵起若色白者有大喪也蒼黃者臣下謀叛黑者兵大起也從中天出曳尾向西者奸人謀主將從南曳尾向北者妄殺

害從天中出身尾向東者士民多飢曳尾向東者民凶從北出曳尾向南者士人凶彗形如寶寇來疾速形如幢節者寇強不可妄動色如血者敵兵陰到光焰爛燦而尾長濶者敵盛允彗所指處皆凶地也

虎鈴經卷第十五

五星統論第一百五十

木星第一百五十一

火星第一百五十二

金星第一百五十三

水星第一百五十四

土星第一百五十五

五星統論第一百五十

歲星之行也大陰在四仲則歲行三宿大陰在四孟及四季則歲行二宿二八十六三四十二行二十八宿十二歲而周天也熒惑之行常十月入大微受制而出行列宿司無道出於無常也太白之行常以正月甲寅見營室與熒惑俱晨出東方二百三十日而

入入二十日而復出西方二百三十日而入入二十
五日而復出東方出以辰戌入以丑未也辰星之行
也常以二月春分見奎婁五月夏至見東井一作西八月
秋分見角亢十一月冬至見牽牛出以辰戌入以丑
未二旬而入辰候之東方也戌候之西方也鎮星之
行也常以甲辰元始建斗歲鎮二宿二十八宿一作歲而
周天也凡四星與鎮星合則為內亂與星辰合則為
變謀則為飢為旱與太白會則為白衣之會及為水
災惑太白合則為死喪用兵者凶與鎮星合則為憂
與辰星合則軍困先舉兵者大敗鎮星與辰星合則

有覆軍亡師與太白合則為疾病為內亂一作辰星與
太白則為變謀為兵憂矣凡歲星熒惑鎮星太白與
辰星鬪皆大戰之象兵不在外與一作與內兵構亂一曰
火與水合為淬與金合為鑠一作鑠不可舉事用兵土與
金合國亡木合國飢與水合為癰疽不可舉事用兵
木與金合鬪國有內亂同合為合二星相近者其殃
大二星相遠者無傷也犯者七寸以內光芒相及也後者相過也凡五宿
所聚之宿其國當亡於天下從歲星以義從熒惑以
禮從鎮星以重重者以威重者也從太白以兵從辰星以法
二星若合是謂驚立絕行其國內外皆興兵人民飢

饒改立王公四星若合是謂大盪

大盪者盪也

其國兵喪

並起五星若合是謂易行有德受度

王作者奄有

天下主時泰五星大其事立五星小其事不立凡五星色皆圓白為喪為乾旱色赤而中不中為兵青為水黑為多疾黃吉五星皆角而赤兵大起黃有爭地之役角白喪角青亦興兵黑潦五星同色天下偃兵百姓安樂夫太白主中國而辰星主胡貉也凡五星早出為盈晚為縮盈為客縮為主主人五星盈必有天應五星入大將軍興兵吉五星犯畢兵起用兵之道不能先備五星之休咎是舉其師

兵與敵也

木星第一百五十一

木星者東方之宿也木之精也所臨之地必有

施福

祐天子布德人君之象也其下為太和之神以逆行

為不軌為賊殃其木星小則多病大則喜

加以臨之

宿為有禮有福苟無禮則無福所見之分野不依位

而見其色光芒動搖謂之怒此則無禮也故有殃其

精所居之地或為婦人或為近臣揚其殃禍亂其人

民歌謠異語興動盛衰凡木星中若非常之處青黃

之色勃勃然有光芒三角者名曰攝提亦名應星亦

名重華若角邊見者名重華久住有灾過則無灾兵

喪應之木星所臨之日國不可伐伐者受禍可以征
作伐人凡木星之行也起舍為盈退舍為縮盈則其
國有兵無傷縮則其國有憂而將死軍敗設若所去
焉則失地所到焉則得地亦曰當居不居國亡所居
作到之國昌已居之而東西去者凶不可舉事用兵利
以安靜中度吉凡木星守亢則天下兵起乘昴陰國
有憂胡王死入畢邊兵起犯畢及附耳兵亦起犯參
伐兵起經柳兵起守軫兵起入五星兵起守羽林兵
起犯參旗兵起

火星第一百五十二

火星者南方之宿火之精也為執法之星歲一周天
其形焰其行速與諸星遲逆不同所臨之地主兵飢
喪亂妖孽常以十月入紫微宮受制取無道之國出
入常以勾芒為凶一云東西南北無有常定其位下
為風伯神一名罰罰者其形類留彗勃勃赤焰如火
見於分野有憂國人飢亂父不父子不子兵甲起征
伐不息其精在無道之國化為童兒着赤衣在於屋
一作蘆里教為歌謠使國人相惑或為異鳥飛入軍營皆
有災異此星者五星中最為妖惡災異甚於諸星或
逆行一舍二舍為不祥居之三月所臨之分國有災

五月受兵七月國半亡地九月大敗亡且夫火星之精氣也爲亂爲賊爲飢爲喪爲兵所居之國受殃用而動者繞環之及乍前乍後乍左乍右者災愈甚若火星臨敵我利之可以力攻之臨我則勿妄動熒惑出則有大兵入則兵散周旋止息乃爲死喪寇盜也臨其地則亡地以戰則不勝東行疾則兵聚於東方西方疾則兵聚於西方其南爲丈夫喪其北爲女子喪火星天子理也故曰雖有明天子必視火星所在凡鶉火之時宜背午地他皆倣此火犯土木主大戰金星搏之亡偏將火環金星偏將死與金星相違而

鬪破軍殺將入金中土出者破軍殺將克勝火出所
在不利先起犯左右角及守亢兵起入房馬貴入
兵起犯南斗星破軍殺將火入女爻入危兵起守
胡人不寧匈奴破在三年犯畢右角大戰左角小戰
犯附耳及角兵起犯參兵起犯東井一星將軍野戰
死犯鬼兵起守七星外有兵起大乘張及與張合兵
大凶守張合大將驚犯翼邊兵起入軫兵起火行河
南界邊兵起犯大微宮門之右大將亡左小將亡
金星第一百五十三
金星者西方之宿金之精也歲行分方主義主將策

主姦謀主誅伐將軍之象也其精下為風伯雨師所
在之宿止其分野其芒色搖動可以隨形見災以出
入不時為凶其星日不依狀若沒色大一作甚光大
者表帝王之德正也若合伏不伏合見不見不依常
道者此主君一作君之失政臣下用權之兆也或見非常
之處芒角七鋒色多似赤者名曰七公亦曰殷公亦
名太公一作心表帝王草政大喪之兆也或出東方不依
伏沒其精名啟明赤名大相乃在左右大臣不赴一作附
君心也萬姓蒼皇一作黃流移異國兵革伏起其星凡一作九
鋒色白暈其精伏於昴酉四十五日若依位而見則

災消名更見於非常其名大囂亦曰木華亦曰爽易
芒角所臨之國其大災有七一曰大水二曰大火三
曰芒散四曰兵聚五曰大兵六曰大飢七曰賢聖飛
勝出境虫獸食人天下大亂曰南方金星居其北者
曰盈王侯不寧用兵進吉退凶曰北方金星居其南
者曰縮王侯有憂用兵退吉進凶當出不出當入不
入為失舍不有破軍必有死亡之兆一曰天下偃兵
野有兵者所當之國大凶當出不出未當入而入天
下偃兵在外則入未當入未當出而出天下舉兵所
當之國亡當期一作斯而其國昌出青一作東為東方入黑為

北方出白爲西方入赤爲南方所居久其國利疾過則其鄉凶入七日而後復出將軍戰死入十日而後復出相死入又復出王者惡之已出三日出三日而後微一作三日而乃復盛出是謂火一作伏其下國有軍將死已出三日又復微出三日乃復盛入其下國有憂師師雖衆敵食乏粮用其兵虜其師出西方失行夷狄兵敗出東方失行軍國兵敗一日出早爲天早爲月食出犯爲天天爲彗星將發於王道之國金星出而桑榆間病其下國行道而下也正出舉國平正出桑榆上餘二千里焉上而疾禾盡期日過三矢

病其封國分天下爲三在戌酉過其一也金星經天天單主曰陽也金星陰星也日出則星亡晝見於天上於經天是謂亂紀金星晝與日爭明疆國弱女主昌且金星者兵象也出而高用兵吉淺凶金星庫淺吉深凶行疾用兵疾吉遲凶行遲用兵遲吉疾凶有芒角敢戰吉不敢戰凶芒角所指吉逆凶進退左右用兵進退左右吉靜凶圍以靜用兵靜吉噪凶金星出則兵出入則兵入順之吉反之凶赤角戰金星猶憂軍也而熒惑憂也故火星從金星軍憂離散畢出金星之陰有分金軍出金屋之陽有偏將之戰當其

行金星還之破軍殺將也辰星者殺伐之氣戰鬪之象也與金星俱出東方皆赤而赤夷狄敗中勝與金星俱出西方皆出而角中國敗夷狄勝五星分天之中積于東方中國大積于西方夷狄用兵者利辰星不出則金為客辰星出則金星為主辰星與金星不相從雖有軍不戰若辰星出東方金星出西方辰星出西方金星出東方為格野雖有兵不戰辰星入金中五日乃出及入而上出者破軍敗將克勝下出者客亡辰星抵金不出者將死軍敗正旗出破軍殺將克勝下出客亡地視旗所指以名破軍繞環金星若

與水鬪大戰克勝主人吏士死水星與金鬪可撼劍

撼劍者其間可容一劍也

小戰克勝居金星前三日軍罷出金星

左小戰歷金星右數萬人戰主人吏士死出金右去

三尺許軍急約戰凡金星所出所直之辰其國得位

得位者所直之辰順其色而角者勝其色害者敗隨

地而敗何也

鄭色黃而未蒼小敗宋也黃而赤黑角者小敗楚色赤黃小敗燕色黑黃先小

敗移却則勝之

金星毘狼赤比心黃比參右肩青左肩黑比

奎火星黑色勝位行勝色

大白行得其度則勝色也行其度盡勝

之凡金星與月相火有兵拔城偏將戰與月俱出守

城者敗與列宿相犯小戰與五星相犯大戰金星在

南南軍勝在北北軍勝出東方背之吉逆之凶西南亦如之金星守北斗三十日夷狄來侵入羽林兵起食昴及食畢胡王死滅金星之光戰敗將死金星變色隨方色戰吉若青則東克餘亦如之入月客兵敗將死色白而角可與戰金星之出也初大後小兵弱初小後大兵疆金星與木星一東一西害王侯一南一北刀伏藏犯畢左角右將死右角大戰將死陵房色亦兵起勾芒大戰不勝將闔死金星出入而留守於尾兵起于野將士滿道入南將戰死犯河鼓敗軍殺將犯牽牛時矢衆守午甲兵犯房一作危亦兵起入室

暴兵滿道將死犯東壁大兵起守金外兵入國犯塞守婁征無功守胃兵起胡王死四夷多憂驚犯畢邊兵欲毀犯畢右角胡王大戰入畢口馬貴軍傷犯觜兵起犯參邊將起左右廂大將憂犯參伐兵起犯井將軍惡之入井兵起犯輿鬼兵起入柳兵起益地守柳大將死犯星大將入塞入翼天下兵起犯軫其國兵大起

水星第一百五十四

水星者北方之宿水之精也出於仲月天下和平若仲月不見則災變生大飢陰陽錯亂國家傾危冬溫

夏涼害人傷物主制王刑偏將軍之象也其精下爲
先農之神以不效爲凶一名紐極變色士已所見
不常之處其光青白輝輝然者此帝王之爲德及正
也如此星見多夜雨晝晴者臣下用陰謀其上也至
于偏裨地皆放此其星若不見四仲見於四孟之月
者其神明名勾星光芒勃勃然如片雲大如景星燦
爛九月所見分野人多流亡迭相噬食白衣聚會兵
起吞併九州十年大荒其變如此審詳候之其久而
不沒聚光兩角變彗勃勃然者象海鯨魚死易王迎
新之象其神及明彗星芒急輝輝然其芒角五鋒狀

如厭劍形于一作萬物者也早爲月食曉爲彗星一時
不出其時不和四時不出天下大飢失其時而出一作
當塞反溫當溫反寒似出不出是謂一作擊辛兵大起
也與他星遇而闕天下大亂凡水星八月主敗兵與
星合而出破軍殺將塞勝視所指以命破軍環金星
大戰克勝守房胡敗守婁兵起犯畢夷傷主人克勝
出昴北胡王死守畢昴邊兵起守參伐南胡人入塞
入井則兵進出井則兵退犯鬼兵起入婁兵起守柳
牛馬貴守張兵起入翼兵大起犯五軍兵起留心兵
起四方

土星第一百五十五

土星者中央之宿土之精也若見於四季表主之盛衰也其神隱於大微或下于人間為妖異為艷女起亂亡破國家為妖言惑亂人心或為近臣間閭中良若其星光潤鮮明見井鬼之間伏沒依常道則正道不失不依常道則三綱錯亂夫此星之色本黃而光黝獨鋒在上如火焚^{一作炎}之狀四面衆光細而附上羣然即土星之本體土星所居國吉未當居而居之若已去而還復居之國得土地當居不居既已居之又東西去之國失土居其宿久則福^{一作禍}厚居其宿易則

福薄之當居不失鎮其下國可伐得者不伐其盈為王不寧滔事一日既已居之又東西去之其國凶兵將亂不可舉事用兵次二舍二舍有王命不成不然將有大水凡犯左角大將戰死守右角兵起守糠兵大起入天廟兵大起守虛有客兵至不過五日自去守奎入奎有邊兵起入婁亦如之入胃客兵敗主兵不用入昂胡主死入畢為亂入觜兵起逆行守參胡兵起守井越兵起入胃舍七星兵起負海大張守張多盜賊與土工兵起入軫兵發事自敗入天庫兵起守南河界蠻夷兵起出東掖門為將軍寶事出西掖

門為將軍受事西出受刑

虎鈴經卷第十五終

虎鈴經卷第十六

分野統論第一百五十六

老人星第一百五十七 大火第一百五十八

拆木第一百五十九 星紀第一百六十

玄枵第一百六十一 諏訾第一百六十二

降婁第一百六十三 大梁第一百六十四


實沈第一百六十五 鶉首第一百六十六



鶉火第一百六十七 鶉尾第一百六十八



分野統論第一百五十六


易曰天垂象聖人則之又曰仰以觀乎天文俯以察

乎地理此皆前聖人洞吉凶興亡之道然而天文地理立象之要畧得不審而用之哉行師之際五星伏沒遲順兩曜盈虧薄食飛流示變孛彗為妖既知之矣必審必詳所居經度焉其經度既詳之矣必審所管分野焉苟如是方可以精別災異順其舉動而已矣今臣輒上擬天文下推地理以別十二分野外以觀星辰之變內以備山川之用天地之間燦然在目其圖其狀以視於來者焉











天官書卷之六

天官書

卷之六




天官書卷之六

天官星圖

卷之六



星




天官星圖

卷之六

星






卷之十六

八

尾



卷之十六

八

尾



虎鈴經卷第十七

雲氣統論第一百六十九

雜雲氣第一百七十

城上雲氣第一百七十一

勝兵雲氣第一百七十二

將軍雲氣第一百七十三

伏兵雲氣第一百七十四

姦賊雲氣第一百七十五

敗兵雲氣第一百七十六

雲氣統論第一百六十九

臣聞百人已上勝敗之氣必俱焉是以順之者昌逆之者亡天地無言吉凶以象占雲氣有異必契災變占氣之時觀氣之初出如飀上雲勃鬱上騰氣積而爲霧氣陰氣結爲虹霓暈珥之屬不積不結散浸一方不能爲災必須知雜殺氣森森然疾起者乃可占常以平明下晡日出沒時候之其內有風雨爲鮮者不成災也若出軍之日天氣漠漠雲彩陰沉而寒者必戰之象也若晴陽盪和風雨不動者不戰也如或有青氣見君王相上者大勝青屈旋留注者下流血大霧五十日日不散者其境當有兵馬霧色蒼黃者

亦有災變也白雲如疋練經丑未者兵之象也或雲如人行排列如陣或壬子日四面無雲獨見出雲如旌旗皆兵象也或雲三道如霧非霧如塵非塵者敵人發軍之徵隨其起處防之或白雲如疋布起于東方者大兵起也色赤者尤甚青者夫喪黑者亦如之也或黑雲三道首尾銳而中裂者其下將有大戰或雲氣赤而其綠黃者大臣專權之兆也不早除之將有大變於軍上往來則往者敗來者勝或雲氣散如錦文者當有赦書行天下天下若無慶賀事必見流血或雲氣如虎頭者暴亂之象也象一作衆或雲氣如弩

弓之狀者天子之氣或雲氣長數十百丈者猛將之氣也或雲氣無故如虎行雲中者當暴兵至也或雲如人字在空者所發之處一作地必有人來告急一人則氣一條雲如方一紅者暴兵至也或望無雲獨見赤氣如旦暮之露或見黑雲極天或白雲如僊人衣十萬聯結部隊相逐罷而復起或白雲廣大七丈東西極天如此者皆起兵之象或有黑雲如人持刀楯者暴兵之氣也如見之國當嚴號令肅士伍以備之

雜雲氣第一百七十

凡占氣三四百里平陸望在桑榆上千餘里登高望

之下屬地者居三二千里雲氣有戰居上者戰自華而南氣下上赤嵩高三河之郊氣上赤常山已北氣下黑上青渤竭海岱之間氣皆黑江淮之間氣皆白白徒氣白土功氣黃卓氣乍高乍下往往而聚騎氣卓而卓一作早布卒氣搏前卑而後高疾前方而後圓銳而卑者却其氣平者疾行前高從卑止不止而反氣相遇者卑勝高銳勝方來卑而脩速通者不過三四日去之五六里見氣來高七八尺者不過五六日十餘里二十里見來高又餘二十丈者不過三十日去之五六十里見稍雲精白者其將悍其士怯其大根

而前絕遠者當戰精白而前抵者戰勝其前未兩昂
者戰不勝陣雲如立垣者杼雲如杼軸雲搏兩端鈞
拘雲如城者亘天其半雲蜺者類闕其故劍雲鈎曲
者此雲見以五色占而澤搏密其見動人及有占兵
必起必占闕其且五朔所候次于日旁雲氣人主人
象皆如其形故比狄之氣如群雷窮廬南狄之氣類
舟航旛旆一作旂若冬及之後夜明者陽氣之動也不足
占

勝兵雲氣第一百七十一

處營臨陣之時紫氣出於軍上者大慶之兆也即日

有喜或軍上雲氣如覆隄前赤後白者勝氣利進兵
攻擊在敵則勝或軍上氣凝成雲中天而住一作住堅固
不變者名曰剛氣在敵則勿攻之或軍上雲氣作盤
踞之狀者此之謂天威也宜用精兵固以漸進戰或
軍上雲氣如華蓋先動者或雲氣上赤下黑臨軍者
此弱彼強然終破強小能擊大大戰大勝小戰小勝
或雲氣如黑人在赤雲中謂之捷一作捷氣或雲氣如十
五童子氣中赤氣在前者疆兵之氣也或雲氣如山
隄林木或白氣粉一作粉澤從耳如樓緣以赤氣或雲氣
爛如火光或湧如山火煙或雲氣如山蓋分為一作高兩

穗蓬蓬然又類草煙之狀此得天勢也或雲氣凝白
逐五軍而或白雲氣十十五五如高薄蹲黑氣中或
氣如黑烟或雲氣如馬頭高尾低或雲氣如人持斧
向敵或雲氣如二疋練此十者勁兵之氣也在敵則
宜避之在我則所向皆克矣黃雲氣黃白厚潤而重
者或雲氣動廣如三疋皂帛前大後狹軍行其中有
雲如鬪鷄赤白相隨在氣中或陣上有五色氣連天
或雲氣連天如烏衣人在赤雲中或黃氣亘天此五
者應天之兵也擊之大凶或軍上氣如蛇舉頭向敵
或赤黃氣于天或雲氣如日月而赤氣繞之或雲氣

如日暈有光着者作或氣凝聚而不散或赤雲如龍彩
色鬱鬱衝天或雲相繞又如鳳凰之狀或雲氣光潤
如城門隱隱在白雲中或氣內赤分黃此九者疆兵
之勝氣一曰王者之氣也雲氣如是具在我軍上則
出擊敵我在敵上則慎勿妄動又若在我軍上及敵
人軍氣如常者亦勝兆也

城上雲氣第一百七十二

進兵攻城及敵來圍我亦審雲氣之吉凶或城上或
營上有氣如人十十五五皆叉手低頭者軍人願降
也

此章一綠勝敗之氣雜論之又多言城中之
事故別立此章若于營寨及陣上吉人亦同或雲

氣上黃下白名曰善氣所臨之軍欲相和解或城中
氣如白旗者不可技或黃雲城臨者城中有大喜慶
或青色氣如牛頭觸人者城中不可屠或城中氣
出東方色黃者此天鉞不可伐伐者大禍或城上氣
如大煙分湧者主人欲出戰也其氣不可擊諸色但
出而無極者不可屠或赤氣或黑氣如杵形從城內
向外者內兵突出主人大勝或城上雲氣分爲兩穗
火之狀者不可攻或濛繞城而不入者外兵不得入
凡攻城塞有諸氣出入吾軍者勝氣也謹備之或攻
城赤氣在城上黃氣在四面繞之者城中大將死城

降或城上赤氣如飛鳥者急攻之立可破矣或氣出
入於城中者城中居軍民欲逃散無鬪志急攻之或
氣如死灰而覆其城寨者吏士使病城可屠或城上
全無雲氣者士卒心散或城上赤氣如衆人頭向下
者其下多死喪血流或白氣繞城而入者急攻之可
拔或白氣光如劍形長百餘丈自敵上起而橫城上
者攻之者受禍城不可屠八十一日內應或黑雲高
起以黃爲緣長凝於陣前橫列如跪如伏如手相牽
三三五五低頭拱手營陣之上者人必降或雲氣如
鷄雉及走兔者賊當來攻城急備之或雲氣三條五

條橫列成陣文如虎班者所臨之軍必拔城殺將見之急攻之或雲如龍行於城上者必有大水凡城上勝敗之氣如是者勝在敵不可攻之敗在敵可攻之勝在我則利出兵進擊敗在我則堅壁清野嚴以守之雲氣所見天地心也可不慎哉

將軍雲氣第一百七十三

欲知敵將之賢愚亦以雲氣占之夫軍上青雲帶赤中黃白自白日至夜不散者其主弱臣強大將軍驕恣法令顛倒可急攻之或軍上雲氣昏昏暗濁者主將不明賢良不附也或軍上雲氣如蛟龍者主將軍

神蒐散亂可擊之或出自白日沒之後有青氣西亘天者經十日不雨大將當失位強在三年之內也已而變赤者大敗之兆也或軍上青氣漸黑者大將軍死或雲氣黃白而潤澤者將有威德也或軍上氣漸漸如雲變作山形者將有深識也或雲外黑而中赤向前者或兩軍相當雲氣如國倉者或赤氣如山者此三者將悍精驍勇也或雲上與天連者將有智也或雲氣如龍虎在煞氣中或如火煙奮奮或如火光變變或如林木龍從者或如塵埃頭大而卑者或色紫黑狀如門上樓者或如紫粉一作霏拂者或如龍

游黑霧中者或如日月有赤氣纏繞者或狀如門上
黑下赤者或皂旗者或如弓形或蜿蜒如蛟蛇者此
十三者猛將之氣也或雲氣青而踈散者將怯弱也
或前大後小者將不明也或內黑緣以白氣者將懦
而無謀也如此者可以詐動可以事惑可以威讐可
以強逼決勝矣

伏兵雲氣第一百七十四

進兵之時先於山川四面望其雲氣渾渾圓長赤氣
在其中者或如赤杵在黑雲中者其下有伏兵或氣
青黑色掩北斗者敵將設伏兵以待我也或兩軍相

當赤氣在陣前後者亦有伏兵隨氣所在之方或雲
絞絞綿綿者此以車騎爲伏也或雲氣聳然類山丘
形者此皆精猛之伏兵也或雲成氣布席狀者此以
步卒爲伏也所見之地急防之

姦賊雲氣第一百七十五

白氣群行徘徊結陣而來者他國人來欲圖亂我不
可應之視其所往隨而擊之可得也或有黑氣臨我
軍上如車輪行敵人深入謀襲營柵或有黑氣游行
中含五色臨我軍上必有謀合諸侯而伐我諸侯必
謀反敵軍敵軍當自敗或有黑氣而幢節之將出於

營中上黑下黃敵人來求戰無誠實言信相及九日
內必覺備之吉凡雲氣如是者敵之密謀也

敗兵雲氣第一百七十六

軍上氣如死灰或如馬肝或如偃蓋或如群羊或如
驚鹿或黑氣如人手皆敗徵也或黑如壞山作敗隨
軍軍敗將死隨我亦移當避之或雲氣白黃昏發連
夜襲敵者軍士散亂擊之吉或軍上氣卑而一絕一
敗在東發白氣者災深或雲氣五色而東西南北不
定者軍欲敗或赤氣炎隆于天者大將軍死而衆日
潰亂或黑氣如牛馬從霧中漸漸如軍者名曰天狗

下食血心營于遠處避之或雲氣蓋道濛蔽而晝冥
者之敗之徵也麤不暇熟急避之若雲氣或青或碎
如瓦礫所臨之軍即敗也若雲氣或赤或白如人首
頭如人卧匍地抵頭所臨之軍敗也當流血百餘里
在吾而欲攘之者大將移營他處即吉也士卒令其
歡心上騰可以解福或雲氣如水破士伍潰之兆也
敵將潛兵襲我之後或夜雲氣長如引索垂下所臨
之軍敗也或夜半雲氣濃黑者多陰謀色青白及蒼
黑者皆反戾之兆也或黑雲如車輪轉而入軍者小
人謀逆急察備之而雲氣狀如大者其下多流血或

雲氣黑色而黃色在上者士卒怯懦內亦有反亂之計也或黑雲如幡幢在氣中者或赤氣如血飛鳥在黑氣中者皆敗兆也或黑雜碎如群豕或如群牛馬或如群驚鳥者皆敗兆也或雲氣如浮塵散漫者士卒謀反逆或赤如火之猛焰燭天而起者大敗流血或赤雲如人三三兩兩或行或坐者暴兵將至也或雲氣如焚生草煙所臨之軍大敗也或夜半雲氣濃黑者多陰謀其色青白及蒼黑者皆反之兆也或雲氣如焚生草煙所臨之軍雖前勇後當自退能以歲月候而擊可勝或赤雲氣而慢慢或如垂蓋者軍當

自亂或赤雲兩向將如八字各有守尾銳而復大者狀大戰流血先動者敗言先動而敗者謂有兩軍交刃之時之兆也或雲氣如懸衣敗兆也雲氣如轉蓬者敗兆也或兩相當敵士全無雲氣者擊之可破也或兩軍相當敵上雲氣極天如陣者此之謂橫海氣力攻之可破也或兩軍相當望彼軍上有火照人者此失將士之心攻之可敗也或雲氣如群鳥亂飛者敗兆也或雲氣穆穆如虎尾垂于軍上者軍欲降不然將有奸人爲敵應或兩軍相當去十里內望見彼軍上氣白又高後有青雲者立敗之兆也宜速鼓行

而擊或雲氣蒼黑者敗兆也或雲氣如行牛或如鼓車或如群蛇亂走或黑雲如人牽牛皆敗兆也或雲如壞屋之狀兵敗將死或淡黑雲中有深黑雲黯黯西如星者謂之敗軍之氣兵大災夫師動衆天以勝敗之氣告人者有以也當勝氣者不可恃之當脩軍正一作君政精智慮嚴號令正賞罰此可以答天地之貺也苟或恃正勝氣而軍正不脩荒怠敗度此可以反勝為敗也偶敗者氣誣能必敗也當以嚴教令謹智慮責躬罪已恭答天譴此可變敗為勝也大將得不以勝敗之象立脩德之方乎 虎鈴經卷第十七終

虎鈴經卷第十八

天第一百七十七

地一百七十八

虹蜺第一百七十九

雷霆第一百八十

戰候第一百八十一

雜占第一百八十二

占風統論第一百八十三

五音占風第一百八十四

刑殺占風第一百八十五

十二位占風第一百八十六

占逆風第一百八十七

風雨雜占第一百八十八

八節占風第一百八十九

天第一百七十七

天裂一作制于敵上者敵人自亂之兆也天色如血兵戰之兆也天雨甘露所雨之地兵大勝也雨雖在敵敵敗也在我軍避之天雨魚鱉在敵敵敗也在我亦當避之天雨血在敵急擊之可勝也在我避之或在我彼兩界者將大血戰吏士俱傷天雨絮及粟在敵敵凶在我避之天雨海島毛大亂之兆也天雨毛所雨之地大將信任邪謀也若煙非煙慶雲也雲開有德若星非星歸邪也歸邪有人若霧非霧泣軍也泣軍

多殺將若雷非雷天鼓天鼓多敗軍不雲而雨天泣也天泣多覆國凡天下之事變異於人者急慎之

地第一百七十八

地裂者兵戈之兆也營中地生錢者下謀叛也急備之營中地上生毛者吏士多亡敵嚴令防之軍在野營地震者有灾星到也營地生五谷者將士有喜慶大將有封邑營中地色忽變黃者大慶之兆也營中地忽拆裂有軍敗將死也急移營避之地忽陷者主將破點之兆也營中地忽生血者賊來忽速避之城

中與營內山忽有夜崩者吏士欲分散移營避之屯

兵之城山春崩者敵來伐城山夏崩者有大水至山
秋崩者有暴丘至山冬崩者軍民飢結營之地吼如
雷者敵來急速備之流水無故絕者設伏兵至水忽
赤如血者軍士欲自亂急備之

虹蜺第一百七十九

攻敵人之城有虹蜺屈曲從外入者三日內城屠五
色虹蜺飲軍井者大凶移營避之虹蜺垂營中者亦
敗兆也五色虹蜺繞城城中將亂急攻之白虹見於
軍上者軍敗流血白虹貫中師不可出白虹繞城而
不匝者從不匝處攻之必拔矣繞城而匝者即俟從

漸錯處攻之赤虹從天直垂地者所垂之地敵兵至
十一月屈虹出破軍敗將天有白虹如霧者營中防
姦賊及兵將反黑虹所見之地大水到其處利於高
處置營赤虹半隱雲上有火災亦當敗黃虹在營上
吏士多驚撓青虹亦如之不爲災

雷霆第一百八十

營中雷拊木者大將凶利脩軍政春三月內甲子乙
丑戊寅辛卯戊午有雷及霹靂下石殺人者軍在野
營將有大戰一月內應之雷一聲而止者將軍有重
令行將戰之時雷聲自我陣後起漸漸入敵者必勝

也隨其聲而擊之吉從敵震迅而來者凶也急抽兵避之天陰不雨雷霆在我軍上隨而擊之者大勝也合戰之時大雷一聲而止先動者勝渾渾圓長者從來處吉聲四起東西南北不定者軍有大血戰兩軍傷大雷疾速自我入敵者勝也自敵來凶霹靂當牙帳急搜檢一作驗之營中有姦人爲賊應亦慮暴兵至或夜半無雲而雨者吏士不從軍令也火急施恩布惠一作講我以禳其禍

戰候第一百八十一

交戰之時五色采旗掣拽不動者大勝候也敵強力

戰慎不可追之臨戰之時鞞鼓之音鳴于常者勝候也角聲清激者勝候也風不起而旌旗悠揚前指敵陣者勝候也馬驕嘶而喜躍欲進者勝候也牙帳無故倒折者敗候也鞞鼓之音重濁不止徹者敗候也角聲洪濁不清潔者敗候也焦而四亂者敗候也橫而不圓者內亂將發旌旗撩亂不整者敗候也馬亦多驚嘶退縮者敗候也臨陣之際勝敗之候能詳審者善矣

雜占第一百八十二

結營之地天火焚其林墅者賊兵疾到火無故自發

焚其帳幕者有大水到溪澗中水忽出主有陰賊到其地凶移營避之或出軍之時或將戰之際有兔及麋鹿之類走過者忽殺之勝兆也營中黃龍見者大勝也營中山池沼溪澗忽自然自外而入者士卒凌主將龍鬪營中及左右者賊大至亦防大水群蛇集營前道上者有急兵至營中竹樹忽然生血者大將有重憂營中不雨而樹濕者賊兵起營中忽得五色魚者勿殺之殺則大水立至不然暴兵則有魚上下于樹者水亦至急移營高處避之鷄有重距重翼飛來營內者勝兆也殺則大凶兩軍相當遙見敵上有

龍者不出一月敵當大敗大尿溺營前大道者移營避之有火至營中馬忽驚嘶者即起卒兵立具兵器備之恐賊潛到馬前營生角者多殺傷馬毛無故而赤主將災也將帥之馬夜無故嘶者其主凶城忽出水者賊兵相侵鼠^{一作齧}甲冑及兵器者損吏士也鼠群行即有大水鼠頻出軍中防叛逆虎狼入營者賊兵至傷人大凶

占風統論第一百八十三

凡災風之來多有殺氣克日濁塵飛埃蓬勃四起也凡祥風之來多與佳氣併而日色清明天氣涼索今

條長去地少高不動塵而過也

五音占風第一百八十四

宮風聲如雷吼空中

一作商

風聲如驅群羊微風聲如

奔馬羽風聲如擊溫角風聲如千人子午為宮丑未

寅為徵卯酉為羽巳卯為角宮風發屋折木米貴來

年兵起徵風發屋折木四方有急羽風發屋折木米

貴

一作情

商風發屋折木主兵角風發屋折木急鬪戰

刑殺占風第一百八十五

歲月日時傷陽德自處陰德在天十歲月日時子刑

卯卯刑子丑刑戌戌刑未未刑丑丑刑巳巳刑寅

一作申

辰午酉亥各自相刑子丑寅巳申為上刑卯寅巳為
下刑大風從三刑上來官軍克大寒大克小寒小克
風從刑下來禍從刑上來福從三刑為上從自刑為
下

十二位占風第一百八十六

申子為貪狼主欺給不信巳賊遇盜賊主攻劫巳酉

為寬大主福祿賞賜衆宴酒食主貴人君子亥卯為

陰賊主戰鬪殺傷謀反大逆殺人之事寅午為廉宜

一作貞

主賓客禮樂聚嫁畜儀誠信丑戌為公正執仇怨

主兵辰未為奸邪主欺慢人貪狼之日風從寬來仍

以貪狼參說吉凶他皆倣此有殺氣從三刑上來或五墓上來有伏兵不戰必克

逆風第一百八十七

蓬勃四方起或上來觸地此逆風也暴兵至寅時發主人逆辰時發客逆午時發親戚逆申時左右逆黃昏發外賊逆宮日風從角上來卒急有兵圍至月中折木者城陷羽日風喧喧日無光深霧兵圍城客克商日風從四季上來關梁不通路色陰賊日風從陰賊上來大寒日一作賊日相殺

風雨雜占第二百八十八

城圍邑經旬不當雨者城中有輔疾去之征出之日細雨沐兵捷之徵也若大風雷雨不見日辰午戌亥自刑之日兵家大忌也臨戎之際忽來陰氣旁勃牙杠折陰不見日旌旗抑揚此敗徵也慢風與氣從敵所俱來我勝急擊之反是則凶旌旗暈暈一作暈順風搖曳舉向賊者即擊之勝也大將牙旗之日風勢順動旌旗前指鼙鼓之音清亮此勝兆也持此可以勝定安三軍之心風施塵如穗如蛇形屈屈來樣者凶急備之風來卑而掃地者敵兵至速高則來緩營中大風折水者大將失位風無常而無定者賊即至合

戰之際大風晝昏揚塵衝敵大勝反是凶兵初至所
伐之城天色陰翳又無風而細雨濛濛者軍將敗若
初臨敵而大雷雨隱而至者大勝之兆也有旋風入
營折絕旗幟干戈次壞帳幙必有盜賊入營將死

八節占風第一百八十九

候風之次一作發常乎其節寅時候之立春之日位應艮
宮本宮綽綽然和風徐徐而至者此之謂條風也風
自人門起者軍民不利也春分之日位應震宮本宮
風來抑之非低颺之非高冒然得風者此之謂明庶
風也明庶風應候軍民寧泰之兆也風自金門起者

軍民不利也立夏之日位應巽宮本宮風至陶陶然
圓緩而不散亂者此之謂清明風者也清明風應候
軍民寧泰之兆也風自天門起者軍民不利也夏至
之日位應離宮本宮風薰然融和而普者此謂景風
者也景風應候軍民寧泰之兆也風自水門起者軍
民不利也立秋之日位應坤宮本宮風來者暢而諭
一作淪者此之謂涼風者也涼風應候軍民寧泰之兆也
風自鬼門起一作來者軍民不利也秋分之日位應兌宮
本宮風來肅然者此謂闔闔風也闔闔風應候軍民
寧泰之兆也風自木門而起者軍民不利也立冬之

日位應乾宮本宮風潔清瑩爽而至者此謂不周風者也不周風應候軍民寧泰之兆也風自土門起者軍民不利也冬至之日位應坎宮本宮風來淒涼不怒者此謂廣漠風者也廣漠風應候軍民寧泰之兆也風自火門起者軍民不利也風之來也順者為祥逆者為妖皆人志正邪也然後通天地鬼神之心也是以節之之首日而占之可以知其吉凶矣行師者能以順正之道應乎天欲風之不祥也其可得乎

虎鈴經卷第十八終

虎鈴經卷第十九

時加占鳥情第一百九十

運加占鳥情第一百九十一

雜占鳥情第一百九十二

時加占鳥情第一百九十三

六甲占鳥情第一百九十四

時加占鳥情第一百九十

巳酉為寬大之日時加巳酉鳥鳴其上有酒食時加寅午鳥鳴其上有酒食亂讓時加丑戌鳥鳴其上有酒食詞訟口舌時加卯亥鳥鳴其上有酒食時加辰

未鳥鳴其上有酒食婦人口舌時加申子鳥鳴其上有酒食寅午為廉貞日時加廉貞鳥鳴其上有王相長吏休廢有諫諍責讓一作譴時加巳酉鳥鳴其上有賓主時加申子鳥鳴其上有酒食相殺時加丑未鳥鳴其上有賓主時加丑戌鳥鳴其上與上同時亥卯鳥鳴其上有酒食丑戌為公正日時加公正鳥鳴其上有王相當其吉長吏公事休廢囚死者有來慰問事時加巳酉鳥鳴其上有公正酒食相遺時加寅午鳴其上有公正慶賀事時加辰未鳴其上有使一作吏士來說陰私事時加申子有吏一作人來作公正事時加亥卯

鳴其上有士來說賊相殺事辰未為奸邪日時加辰未鳴其上有王相來長吏奸詐休廢囚死口舌事時加寅午鳴其上有譙讓一作譴人說奸訟事時加巳酉鳴其上有酒食陰賊事時加丑戌鳴其上有吏捕姦邪私事陰謀鬪爭劫殺盜事時加亥卯鳴其上除賊兵劫申子時為貪狼日時加申子鳴其上有言群盜攻劫休廢囚死有盜賊事時加巳酉鳴其上有酒食攻戰事時加寅午鳴其上有善人說攻劫事時加丑戌辰未鳴其上有婦人說群賊事時加亥卯鳴其上有群賊攻奪事亥卯為陰賊日時加亥卯鳴其上有王相說

群臣大義休廢囚死鬪傷事時加巳酉鳴其上有酒
食相傷時加丑戌鳴其上有使逐賊相傷時加寅午
鳴其上有婦人姦私相傷事時加辰未鳴其上亦如
之時加申子鳴其上賊攻討事諸陰日有烏鳴若群
飛狩飄風門從四季上時加四季有攻奪皆爲開閉
之事

運加占烏情第一百九十一

坤離巽
坎艮震
巽坎艮
震坎艮
坎艮震
艮震坎
震坎艮
坎艮震

鳥從子上來大將不可震威武敵來勿與戰必不利
丑上來者不宜出戰兵進戰內有陰謀將發細察備
之寅上來者吉音至卯上來者利進戰大將有祿慶
之事辰上來者有吉信至營六步忽見牛羊大吉見
死物凶已上來者不利戰陣兩軍俱傷午上來不利
出兵未上來戰鬪主吉客凶申上來不利出兵酉上
來利出兵有喜戌上來吏士有異心潛備之亥上來
不利戰此十二辰位占鳥之情也常以恠字居甲上
占之假令甲子旬即在子上是也又若鳥從四散併
來到營上居惡聲而止住之者賊兵已入境矣急飛

過者賊勇銳疾如雷電速為之俗但疾與戰我可以
勝驚鳥飛來將軍牙帳上搏擊者有賊不可出戰三
足鳥飛來營前後謂之災飲鳥也賊將來至營中者
凶急備之亦鳥入營者防姦人刺客群鳥三三五五
營上往來無聲而四散者吏士有逃潰之心鶴鶴急
來營上作巢而鳴速移營避之大水至鳥至營按干
蒙難者吏士謀大將即有禍速避之鳥鵲忽來礮上
作巢者吏士謀大將潛驗之方戰之時有白鳥狀如
鷹鷂飛赴者赴敵者并力擊之大勝兆也白敵來赴
我者凶急退軍勿戰

雜占鳥情第一百九十二

出師之日鳥于軍前逆飛者征無功在左則吉在右
則凶逆軍而作惡聲查查者大凶兆也或從右發聲
和順自大將後而過左復聲者大兵有慶之兆也鳥
及相呼于一作子者吉也鳥于軍前一足卓立地者進必
不一作冠寇者在枯卉上鳴者凶振迅疾飛視顧周陣而不
止者前賊也鳥來牙旗上立者急移營避之其地不
祥鳥立牙帳上作惡聲者有吏士潛謀逆速搜驗之
必得奸狀鳥來鼓角上鳴者將軍吏士心雄蓋奮也
器械上鳴者即有戰陣也遶營而飛鳴者所來之處

賊兵至也凡鳥之來大將一別令一人候之此皆能
通天地鬼神之情者也

時加占鳥第一百九十三

乾
坎子水
艮
離
大

登明方鳴者凶神后大吉功曹等方者大衝天罡太

乙方者勝光小吉傳送方者吉從魁河魁方者凶更
看神與月將相克假令登明是凶神在寅卯申酉即
相生為吉也假令傳送是吉神在寅卯巳午即相克
為凶也他皆倣此立細認方位辯其吉凶

六甲占鳥情第一百九十四

六甲旬金在第八卷
但以金按其方可也

鳥在上 鳴者賊聞不來與戰大吉 鳴者合有吉
音無他戰陣鳴者 喜信之兆也 鳴者防慎在內
當有細人潛為賊應不然有謀叛者察防之 鳴者
軍無他戰 鳴者有賊信者當有戰陣鳴者聞賊不
來急備之不利戰凶兆也 鳴者亦慎之或有小盜

必殺之不然當有大驚 鳴者防吏士亡遁 鳴者
將有戰之事主吉 鳴者有賊信者 鳴者防內有
奸人潛為賊應謹備之夫占鳥之法立營之地非鳥
所巢而有鳥來鳴方可論占若聚林群鳥之所栖泊
而嘲囂無常者不足占也

虎鈴經卷第十九終

虎鈴經卷第二十

誓文第一百九十五

祭毗沙門天王文第一百九十六

祭風伯雨師第一百九十七

祭山川神文第一百九十八

祭黃帝文第一百九十九 祭蚩尤文第二百

祭八神文第二百一

祭當境神文第二百二

禡牙旗神文第二百三 禡門旗文第二百四

禡五方旗文第二百五

馮六肅旗文第二百六

馮五兵文第二百七

馮馬文第二百八

馮鼓文第二百九

回兵第二百一十

誓文第一百九十五

有虞氏戒于國夏后氏誓于軍敵人誓于軍門之外
周人將交刃而誓所誓不同吾從周誓之誓曰惟天
至仁亭毒萬物其有逆于道德者激霆以震之惟神
至幽游息六氣其有淫于禍亂者潛靈以殛之惟王
至明順卹九服其有勅于教化者興師以察之此四
者同條而共貫也是知軍一作天下者揮長戈以賓不

臣成未為不善也滌穢滓以廣王化未為不嘉也今
孽虜不庭亂常反德吾為天子恭行天討誓剪大憝
決垂元功即出即作凶門已即敵境咨爾衆士用命賞
于祖弗用命戮于社生死榮辱在是一舉勿使自躓
為邦之羞爾其勉之勉之

祭昆沙門天王文第一百九十六

維年月日某官謹以香火蔬菓祭于昆沙門天王惟
天王神靈通暢威德奮震據大陰之正位降普天之
妖魔左手擎塔尊神顯于西土右手伏戈一作赫天威
將于北方一舉而群魔駭再舉而沙界裂目激電以

日暗髮聚藍而雲委卓犖萬古鬱稱亢神今妖孽未
除生靈塗地凶聲逆氣溢天而浮星帝命某領雄師
權剿戮群黨大勲未立狀心從奮天王受佛救印廣
揚神通尚能卷大地于掌中納須彌于芥子今此小
醜豈不能怯伏惟降慈悲心救衆生苦開大神力神
兵右迴左施剪滅賊衆脫苦腦于刀兵之劫發濟投
于風火之輪則某也處心皈依實在此日尚饗

祭風伯雨師文第一百九十七

年月日具官某謹以牲牢一作羊香酒之奠祭于風伯雨
師之神惟神箕畢之精陰陽之粹也動息無間遊潛

大虛大塊噫氣鼓天地以發籟飛龍在天合雲雷而
作解茫茫禹跡民其賴之今某出師有期惟靈是禡
與神陰嘉一作佳祐以贊我師旅或則駕舟楫濟巨川神
其九施竅之怒號或則後嶺岑歷險阻神其減十期
之霧霈然後扇腥羶之氣如塵颶空抽兇奴一作妖之血
爲波注海大事苟濟敢忘玄貺尚饗

祭山川神文第一百九十八

年月日具官某謹以牲牢香酒之奠祭于山川當境
之神始䟽山濬川所以應天文裂地紀限夷夏宣風
雨雷惟神者必靈有祈者必應蓋山川爲之府人爲

神之主也禍淫福善神其掌之故聖人列于典禮國
家配於群望所與發善者之福神殲不善之屍骨惟
神景天地之命為山川之靈監我懇誠贊我兵力使
收功於頃臾鹹元惡于頃刻尚饗

祭黃帝文第一百九十九

年月日具銜某謹致祭于黃帝之神惟神天資懿睿
首弄兵戎一作戍敷演三才披攘九極陶精順一作積粹嶷立
夔古雖蹈述之不腆寔一作實伊聖之有作方今天人合
發夷夏稱忠隱幽于黃屋之尊告廟起白旄之命惟
神素章元聖開闢徃世驅一作馳逐克慝一作逆揄揚天宮功

綿歷千載一作祀光靈不泯陰垂嘉祐以贊我師旅收闢
土地誅鋤鯨鯢幽明合誠幸享多福尚饗

祭蚩尤文第二百

年月日具官某謹以致祭于蚩尤之神惟神雄材一作才
自任命世持立卓紀萬古鬱為人豪在昔一作官炎靈不
御土一作御德丕熾公鄙自天之職纂即我之緒足輦九
土手掉五兵而奮臂一呼四溟飛水暝目再顧兩曜
暗色吁氣而煙霧蒸吹蠡一作舳而風雨作金虎亦病神
龍亦屠然公之丙靈實一作實萬萬世不泯垂嘉祐贊
衛我師獲虜樹勲戴一作戴答一作以作貺尚饗

祭八神文第二百一

年月日具某官謹致祭于八方之神兩儀設象八卦
成文中合粹氣結為神靈聖君則之以奠萬民悠悠
姦醜敢有不賓逆天返道罹殃道迤吾今有告神順
所聞天門地戶人門鬼戶震靈雷洞洞火靈燄燄水
澤之神聚類合鮮沱沱大極靈氣誅誅掃殄亮悖廓
清妖氛一作氣神靈之神靈之尚饗

祭當境神文第二百二

年月日具某官謹備酒牢奠祭于當境山川之神惟
神受天明命辨位司民禍淫福善神之恒德今姦醜

肆暴聚謀不軌汚瀆我境土虜掠我生一作土庶上未伏

鑕授一作誅報首豈神禍淫之道耶俾我元肅壇命將提

戈遠征大憝未誅元勲未輯豈神福善之道耶今某

虔統大軍以涉靈境固當饗我血薦潛勃其力贊應

天之兵誅悖道之虜則神正直之方于是乎在尚饗

禡牙旗文第二百二

年月日具某官謹禡于牙旗之神昊天有命澤祐元

王純精播杜玄德勝光最爾醜虜取一作敢謀亂常麇驚

黔首鼠嚙邊疆天子命我仗鉞專征耀威武討彼不

庭嘗聞天地福謙鬼神害盈善終其祐惡殄其生咨

爾一作示陰祇固將郊禋召太乙呼雷公馳白虎走青龍
玄龜鎮後朱雀衝前濯蕩皎白掃除妖虹兵不血刃
告厥成功神其知之鑒于衆尚饗

禡門旗文第二百四

年月日具某謹禡于門旗之神惟神奠兵作元揚靈
戎首闢向方之正位立凶器之寇規指顧師徒予實
賴汝今醜黨尚肆長氛未清是致伐鼓建牙聲嘒秉
律藉神陰祐俾建殊功誠宜磨五兵之虛比三軍之
氣納羊犬之地載扇華風鑠鯨鯢之屍盡爲京顧神
其聽之尚饗

禡五方旗文第二百五

年月日某謹禡于五方旗之神惟神稟命昊窮實同
所職體國經野正位辨方前指則摧撲亮頑當位則
表列師旅伊靈有用由古賴諸我國家自奠無基遐
宣惠政鯨霄鰲枉撻八極以天臨木口金鈴震九疆
而雷動方資廣被孰敢不實何羊犬之遊魂鬻腥羶
而背惠伊宗既興於嘯聚在予戴掌于車徒戎有征
事馘元無爽異神垂祐陰贊六師奮朱雀以前驅命
玄龜以後殿青旆鼓蒼龍之氣素旌宣白虎之威黃
龍鎮中爲我軍主誠宜內順指顧外威姦雄一揮而

龍塞生塵窮虜聲覆載鼓而良居破膽敗虜磨驚掃
大熟于陬隅耀殊勳于簡牘廓清萬里藉神之靈尚
饗

禡六纛旗文第二百六

年月日某謹禡于六纛之神夫行殺氣北方表戎事
者大纛是故以黑于飾順其位也為君之表嚴其令
也師徒搏節右在于誠宜我大用威被元克所當者
皆摧所指者皆縻則神順成之功斯亦至矣尚饗

禡五兵文第二百七

年月日某謹禡于五兵之神天道不誣助厥元王我

作五兵以征四方靈星為衆刃名大房角星示本弓
名曲張二宿主弩曰遠望熒惑主矢曰徬徨彼長戟
名大將顛參星而擢揚今則羶腥聚臭孳騰光流
血如水傷骨成岡苟不剪滅孰為忠良咨爾五兵為
天大刑大玄之垂象方子之淳精順我動使以撲不
庭神靈之神靈之尚饗

禡馬文第二百八

年月日某謹禡于馬神東方蒼龍實曰不駟考星史
而立象垂休頤大易則乾文取譬懿伊馬之用功為
邦家之大利何倥偬之邊陲聚羶腥之黨類列旗幟

而星番掉戈矛而起蜩將耀武于三軍當載揚于六轡所賴者窮昊儲禎明神効祉苟芻飲之叫宜庶陰之不昧尚饗

豐鼓文第二百九

年月日某謹釁于鼓神三軍之威職在鼓旗之用靈為鬼神塗血致誠古之常典以聲為度兵之令儀進退周旋實在于爾今則五兵暴露群醜維橫

衝咸即灼爛城外又作攻車車之所及莫不摧毀雖有排楯莫之能抗孝寬乃絳布為幔隨其所向張之布懸於空中其車竟不能壞城外又縛松麻於竿灌油加火規以燒布并欲焚樓孝寬復作長鐵鈎利其鋒刃火竿一來以鈎遙割之松麻俱落外又於城四面穿地作二十一道分為四路於其中各施梁柱作訖以油灌柱放火燒之柱折城必崩壞孝寬又隨壞處堅木柵以捍之敵不得入城賴以全

國朝俞通海為樞密院判以舟師畧大湖馬跡山降張士誠將鈕津等逐徑東洞庭山士誠將呂珍帥兵

暴至諸將食卒欲退通海曰不可彼衆我寡退則情見彼益集其衆邀諸險以擊我我何以當之不如與之戰於是身先士卒矢石左右交下通海不爲動徐令從者被已甲立戰船上督戰珍不利乃去

傳友德吳元年爲指揮時元將擴廓帖木兒遣左城李二侵徐州兵駐陵子村友德率兵二千餘汎舟至呂梁伺其出掠即舍舟登陸擊之李二遣裨將韓乙盛兵迎敵友德奮槊刺韓乙墜馬其兵敗去友德度李二必益兵來鬪趨還城開門出兵陣城外令士皆卧槍以待有頃李二果率衆至友德令鳴鼓我師奮

起衝其前鋒李二衆大潰多溺死遂生擒李二及其將士二百七十餘人馬五百餘匹

徐達爲大將軍統兵取吳偽張士誠破降諸城柵營姑蘇封門分遣別將軍于婁胥閻諸門又築長圍困之架木塔與城中浮屠等築臺三層名曰敵樓下暇城中設火筒其上一發連中又設襄陽礮着物無不糜碎礮風着人皆死時姑蘇城堅難猝破無錫莫天祐與士誠爲聲援其部將楊茂游喜

水天祐遣爲偵邏卒獲茂送達達釋而勞之待以腹心於是屢遣茂游水往來因得其彼此所遺蠟丸書

通報故陰德士誠天祐虛實知城中困乏乃親督兵克葑門常遇春亦破閭門城破執士誠送京師復進取中原所至望風降附師至元都駐齊化門元主與其后妃太子開建得門北走勒兵入城藉民府庫及板面重器封宮殿門禁戢士卒無敢侵暴人民安業市肆不移人謂曹彬下江南伯顏入臨安不是過也復與遇春克大原初元主北奔命擴廓帖木兒復北平因是率兵出鴈門關將有保安州徑趨居庸關以攻北平遼聞之謂諸將曰破率師遠出大原必虛北平孫都督搃六衛之師足以鎮禦我與爾等乘其不

備直抵太原傾其巢穴則彼進不得戰退無所依此兵法所謂擗亢擣空也若彼還兵救太原則已爲我牽制進退失利必成擒矣諸將皆曰善遂引兵征進擴廓帖木兒至保安州聞知果還軍遇春謀於達曰我騎兵雖集而步兵未至未可與賊戰莫若遣精兵夜襲其宮其衆可亂主將可縛也達然之會擴廓帖木兒部將豁鼻馬潛遣人約降且請爲內應達於是遣兵夜襲其軍擴廓帖木兒方燃燭坐帳中使兩童子執書以待衆覺變亂擾擴廓帖木兒倉卒不知所出亟納韉未及竟誅一足踰帳後出來乘驛馬從十

八騎遁去迨旦豁鼻馬遣其子來報達等勒兵進宮于太原城西豁鼻馬以其將校降得兵四萬馬四萬餘匹擴廓帖木兒奔大同遇春以兵追之遂走其肅馬雲爲遼東都指揮使洪武八年納哈出入寇雲知其將至命蓋州衛指揮吳立張良佐房嵩等嚴兵城守虜至堅壁勿與戰及納哈出至見城中備禦嚴不敢攻乃越蓋州城徑趨金州時金州城垣未完軍士寡少指揮韋富王勝等聞虜至督勵士卒分守諸城門選精銳登城以禦之納哈出裨將乃刺吾自恃驍勇率百騎徑至城下挑戰城上發弩射之乃刺吾被

傷倒絕遂獲之虜勢大沮富等復縱兵出擊納哈出不利虜兵至引兵退走以益州有備不敢經其城乃由城南十里外浴祚河遁歸都督指揮葉旺榮其將退先引兵移祚河自連雲島至窟馳寨十餘里緣河疊水爲牆以木臨之經宿皆凝沍隱然如城藏釘枝於沙中設陷馬奔於平地伏兵以待之命老弱卷旗登兩山間戒以聞砲即豎旗雲於城中亦立一大旗令定遼前衛指揮周鶚及吳立等各嚴兵以後四顧寂無人而已魯兵至旺等俟其過城南砲發伏兵四起蒲山旌旗蔽空鼓聲播動夫石雨下納哈出倉皇

北奔趨連雲島遇水城馬不能前皆陷入穽中遂大潰雲於城中亦出兵追擊至將軍山畢栗河斬戮虜人馬及凍死者甚衆旺等復乘勝逐至諸猪兒峪獲其士馬無美納哈出僅以身免

沐英洪武十四年爲右副將軍征雲南十二月師至曲靖先是梁王把匝剌瓦爾密聞王師下普定遣司徒平章達里麻將精兵十餘萬屯曲靖以備我師英謂征南將軍傅友德曰彼不意我師深入若倍道疾速趨出其不意破之必矣友德是之遂進師未至曲靖數里忽大霧四塞衝霧而行阻水而止則已臨白

江石矣頃之霽達里麻見大驚倉皇失措友德即欲濟師英曰我軍遠來形勢既露固利速戰然亟濟恐爲所扼乃整師臨流勢若欲濟里麻擁精銳扼水上英於是別遣數千人從下流潛度出其後鳴金鼓樹旗幟達里麻見之急撒衆以禦衆亂英乃拔劍督師濟江達里麻却數里而陳我師畢濟既陳友德麾兵進戰矢石齊發呼聲動天地戰數合英縱鐵騎擣其中堅敵衆被麻遂大敗生擒達里麻俘其衆萬計遂平曲靖封英西平侯洪武二十一年三月受詔封百夷思倫發時思倫發悉舉衆號三十萬英謂衆曰百

夷乃敢如是乃選驍騎三萬晝夜兼行凡十五日抵賊營與之對壘先出輕騎三百挑之百夷以萬人驅象逆戰英督軍注矢連發師衆象左右及脇象仆地其首長亦衆矢走追射殺之諸軍乘勝鼓譟而進賊遂衆却英復下令置火銃神機箭爲三行列陣中俟象近則前行俱發不退則次行繼之又退則三行繼之明日英復令衆曰今深入賊境與之相持戰則生敗則死吾輩受主上深恩報德成功正在今日吾與若等約退衄者必斬於是將士皆奮勇欲戰賊悉衆結陣以待象皆披甲背負戰樓若欄楯懸竹筒于

兩旁置短槩其中以備擊刺陣既交群象衝突而前我軍擊之矢石俱發聲震山谷象皆股栗而奔騎士乘勝直搗其巢穴破之縱火焚其寨煙焰漲天還復以兵追擊之殺傷甚衆賊兵大敗俘萬餘人恩倫發遁去英還師雲南所過城邑百姓爭持牛酒迎勞之

金瓶梅

直去夾纈稍雲雨所色百枚半林半無張之

以只通率之慈影身來類兵大煩對萬論入其

東利自斷其集火如之燃火焚其美點臥悲天罪

炸車連之大外跡道氣山台卷客到更而在諸士

兩字置於其中以對華懷斯習交特與書

館圖川
藏書印



